

十八家詩鈔

庚申三月
唐駝署

十八家詩鈔卷七目錄

杜工部五古上百六十八首

奉贈韋左丞丈二十二韻

送高三十五書記

贈李白

遊龍門奉先寺

望嶽

陪李北海宴歷下亭

贈衛八處士

苦雨奉寄隴西公兼呈王徵士

同諸公登慈恩寺塔

示從孫濟

九日寄岑參

洋陂西南臺

戲簡鄭廣文兼呈蘇司業

夏日李公見訪



國立臺灣大學圖書館典藏
由國家圖書館數位化

同郭給事湯東靈湫作

夜聽許十損誦詩愛而有作

自京赴奉先縣詠懷五百字

白水縣崔少府十九翁高齋三十韻

三川觀水漲二十韻

大雲寺贊公房四首

晦日尋崔戢李封

雨過蘇端

喜晴

送率府程錄事還鄉

述懷

送長孫九侍御赴武威判官

送樊二十三侍御赴漢中判官

送從弟亞赴西安判官

送韋十六評事充同谷郡防禦判官

寒蘆子

彭衙行

北征

得舍弟消息

玉華宮

九成宮

羌村三首

送李校書二十六韻

留花門

義鶻

畫鶻行

新安吏

潼關吏

石壕吏

新昏別

垂老別

無家別

夏日歎

夏夜歎

立秋後題

貽阮隱居

遣興三首

昔遊

幽人

佳人

赤谷西庵人家

西枝村尋置草堂地夜宿贊公土室二首

寄贊上人

太平寺泉眼

夢李白二首

有懷台州鄭十八司戶

遣興五首

遣興五首

遣興五首

前出塞九首

後出塞五首

別贊上人

萬丈潭

兩當縣吳十侍御江上宅

發秦州

赤谷

鐵堂峽

鹽井

寒硤

法鏡寺

青陽峽

龍門鎮

石龕

積草嶺

泥功山

鳳凰臺

發同谷縣

木皮嶺

白沙渡

水會渡

飛仙閣

五盤

龍門閣

石櫃閣

桔柏渡

劍門

鹿頭山

成都府

贈蜀僧閻邱師兄

泛溪

病柏

病橘

枯棧

枯柑

大雨

溪漲

戲贈友二首

遭田父泥飲美嚴中丞

喜雨

述古三首

冬到金華山觀因得故拾遺陳公學堂遺跡

陳拾遺故宅

謁文公上方

奉贈射洪李四丈

早發射洪縣南途中作

通泉驛南去通泉縣十五里山水作

過郭代公故宅

觀薛稷少保書畫壁

通泉縣署屋壁後薛少保畫鶴

陪章留後惠義寺餞嘉州崔都督赴州

將適吳楚留別章使君留後兼幕府諸公得柳字

山寺

櫻拂子

寄題江外草堂

送韋諷上閩州錄事參軍

閩州東樓筵奉送十一舅往青城縣得昏字

南池

贈別賀蘭鈺

別唐十五誠因寄禮部賈侍郎

草堂

四松

水檻

破船

營屋

除草

揚旗

太子張舍人遺織成褥段

別蔡十四著作

十八家詩鈔卷七目錄終

十八家詩鈔卷七

湘鄉曾國藩纂

合肥李鴻章審訂

鹽城印鸞章校字

杜工部五古上百六十八首

奉贈韋左丞丈二十二韻

以下皆天寶末亂以前之詩

紈袴不餓死儒冠多誤身丈人試靜聽賤子請具陳甫昔少一作妙年日早充觀國賓讀書破

萬卷下筆如有神賦料揚雄敵詩看子建親李邕求識面王翰願卜一作隣自謂頗挺出一作

立登要路津致君堯舜上再使風俗淳此意竟蕭條行歌非隱淪騎驢三十載旅食京華

春朝扣富兒門暮隨肥馬塵殘杯與冷炙到處潛悲辛主上頃見徵歛然欲求伸青冥卻垂

翅躑躅無縱鱗甚愧丈人厚甚知丈人真每於百僚上猥誦佳句新竊笑貢公喜難甘原憲

貧焉能心怏怏祇是走蹊陵今欲東入海卽將西去秦尙憐終南山回首清渭濱常擬報一

飯況懷辭大臣白鷗沒宋作浩蕩萬里誰能馴

送高三十五書記舒書適解揚州封邱尉非其好也乃去位客游河右河四部度哥舒輸奏前封邱尉高適爲學書記

於上前通延天寶十三載五月哥舒輸奏前封邱尉高適爲學書記

崆峒小麥熟且一作願願休王師請公問主將焉用窮荒爲飢鷹未飽肉側翅隨人飛高生跨

鞍馬有似幽并一作兒脫身簿尉中始與捶楚辭借問今何官觸熱向武威答云一作書一書

記所媿國士知人實不易知更一作尤須慎其儀一作宜十年出幕府自可持旌麾一作旗此行旣

特達足以慰所思

一作亦是

男兒功名遂亦在老大

唐佐切夜歸詩

時常恨結驩淺各在天

一涯又如參與商慘慘中腸悲驚風吹

一作

鴻鵠不得相追隨黃塵翳沙漠念子何當

一作

歸邊城有餘力早寄從軍詩

王師句窮荒句慷慨二句皆不瀟於吾好之辭

贈李白

二年客東都所歷厭機巧野人對羶腥蔬食常不飽豈無青精飯使我顏色好苦乏大

一作

藥資山林跡如掃李侯金闥彥脫身事幽討亦有梁宋游方期拾瑤草

遊龍門奉先寺

已從招提遊更宿招提境陰壑生虛

一作

巖月林散清影天闕

臥衣裳冷欲覺聞晨鐘令人發深省

一作

巖月林散清影天闕

一作

象緯逼雲

望嶽

岱宗夫如何齊魯青未了造化鍾神秀陰陽割昏曉盪胸生層雲決眇入歸鳥會當凌絕頂

一覽衆山小

陪李北海宴歷下亭

時邑人鑿虛土等在坐李公序

東藩駐阜蓋北渚凌青荷

一作

此亭古濟南名士多雲山已發興玉珮仍當歌修

竹不受暑交流空湧波蘊真愜所遇落日將如何貴賤俱物役從公難重過

贈衛八處士

人生不相見動如參與商今夕復何夕共此燈燭光

此燈光

少壯能幾時鬢髮各已蒼訪

舊半爲鬼驚呼熱中腸焉知二十載重上君子堂昔別君未婚兒女忽成行怡然敬父執問
我來何方問答乃未已陳浩然作未及已兒女羅一作羅羅酒漿夜雨翦春韭新一作炊間黃梁主稱會

面難一舉累一作十觴十觴一作百觴亦不醉一作感子故意長明日隔山岳世事兩茫茫

苦雨奉寄隴西公兼呈王徵士隴西公即漢中王徵士王徽士王徽

今秋乃淫雨仲月來寒風羣木水光下萬象一作雲氣中所思礙行潦九里信不通悄悄素

澹路迢迢天漢東願騰六尺馬一作背若孤征鴻劃見公一作子面超然懽笑同奮飛既胡

越局促傷樊籠奮飛句言爲雨所阻咫尺千里不飛奮飛若胡越之相隔也一飯四五起憑軒心力窮嘉蔬沒瀾濁時菊

碎榛叢鷹隼亦屈猛烏鳶何所蒙式瞻北隣居取適南巷翁挂席釣川漲焉知清興終

同諸公登慈恩寺塔時高適詩據先有此作

高標跨蒼天一作烈風無時休自非曠一作壯懷登茲翻百憂方知象教力足一作可追冥

搜仰穿龍蛇窟始出一作枝撐幽七星在北戶一作河漢聲西流羲和鞭白日少昊行清秋

秦山忽破碎淫渭不可求俯視但一氣焉能辨皇州迴首叫虞舜蒼梧雲正愁惜哉瑤池飲

日晏崑崙邱黃鵠去不息哀鳴何所投君看隨陽雁各有稻粱謀昔賢謂以王母比淫樂

燕一作日晏崑崙邱黃鵠去不息哀鳴何所投君看隨陽雁各有稻粱謀昔賢謂以王母比淫樂

忘區在杜公之意或有之五謂虞舜蒼梧以二紀不從比揚妃之從遊又謂黃鵠比賢人遠

示從孫濟

平明跨驢出未知適誰門權門多噂噓且復尋諸孫諸孫貧無事宅舍如荒村堂前自生竹

堂後自生萱萱草秋已死竹枝霜不蓄一作翻淘米少汲水汲多井水渾刈葵莫放手放手傷
葵根阿翁懶惰久覺見行步奔所來一作求爲宗族亦不爲盤殮小人利口實薄俗難可一作具
論勿受外嫌猜同姓古所敦

九日寄岑參

出門復入門兩一作雨腳但如舊所向泥活活一作活活思君令人瘦沈吟坐西一作秋軒一作四窗下一作臥

飲一作飯食錯昏晝寸步曲江頭難爲一相就吁嗟呼一作乎蒼生稼穡不可救安得誅雲師疇

能補天漏大明韜日月曠野號禽獸君子強逶迤小人困馳驟維南有崇山恐一作嶺與川浸

溜是節一作時東籬菊紛披爲誰秀岑生多新詩一作語性亦嗜醞酎采采黃金花何由滿衣袖

漢陂西南臺

高臺面蒼陂六月風日冷蒹葭離披去天水相與永懷新目似擊接要心已領仿像讖蛟人
空蒙辨魚艇錯磨終南翠顛倒白閣影嶮增光輝乘陵惜俄頃勞生媿嚴鄭外物慕張邴
世復輕驂騶吾甘雜甕甕知歸俗可忽取適一作足事莫竝身退豈待官老來苦便一作不靜況資
菱芡足庶結茅茨迴從此具扁舟彌年逐清景

戲簡鄭廣文兼呈蘇司業源明

廣文到官舍繫一作說馬堂階下醉則一作即騎馬歸頗遭官長罵才名四一作三十年坐客寒無

甍賴一作近有蘇司業時時與一作乞酒錢

夏日李公一作李見訪一作按宗室世系當是李氏

遠林暑氣薄公子過我游貧居類村塢僻近城南樓旁舍頗瀟灑所願作須亦易求隔屋
喚西家借間有酒不牆頭過濁醪展席俯長流清風左右至客意已驚秋巢多衆鳥鬪一作
葉密鳴蟬稠苦道一作此物聒孰謂一作吾廬幽水花晚色靜一作庶足充淹留預恐樽中
盡更起爲君謀

奉同郭給事湯東靈湫作

東山氣鴻濛宮殿居上頭君來必十月樹羽臨九州陰火煑玉泉噴薄漲巖幽有時浴赤日

光抱空中樓闕風入轍跡曠一作原一作延冥搜沸一作天萬乘動觀水百丈湫幽靈一作

斯一作可佳一作王命官屬休初聞龍用壯擘石摧林邱中夜窟宅改移因風雨秋倒懸瑤

池影屈注蒼江流味如甘露漿揮弄滑且柔翠旗淡偃蹇雲車紛少留簫鼓蕩四溟異香泆

滌浮蛟人獻徽綃曾祝沈豪牛百祥奔盛明古先莫能儔坡陀金蝦蟆出見蓋有由至尊願

之笑王母不肯一作收復歸虛無底化作長黃虬一作飄飄一作青瑣郎文采珊瑚鉤浩

歌淥水曲清絕聽者愁首十四句敘玄宗以十月幸驪山湯泉初聞以下十六句敘龜移

四句言郭給事有詩也

夜聽許十損一本作許十無損字誦詩愛而有作

許生五臺賓業白出石壁余亦師粲可身猶縛禪寂何階子方便謬引爲匹敵離索晚相逢

包蒙欣有擊誦詩渾一作遊衍四座皆一作辟易應手看捶鉤清心聽鳴鑿精微穿溟滓飛

動摧霹靂陶謝不枝梧風騷共推激枝梧謂梧格不入互相撐拄不相讓之意不枝梧則相契合

矣紫燕自超詣翠駭誰翦別君意人莫知人間夜寥闕

自京赴奉先縣詠懷五百字

天寶十四載十一月朔作

杜陵有布衣老大意轉拙許身一何愚竊比稷與契居然成濩落白首甘一作契關蓋棺事

則已此志常覲豁窮年憂黎元歎息腸內熱取笑同學翁浩歌彌激烈非無江海志蕭灑送

日月生逢堯舜君一作君不忍便永訣當今廊廟具構厦豈云缺葵藿傾太陽物性固莫一作

奪顧惟螻蟻輩但自求其穴胡爲慕大鯨輒擬偃溟渤以茲悟生理獨恥事干謁兀兀遂

至今忍爲塵埃沒終愧巢與由未能易其節沈飲聊自適一作放歌頗愁絕歲暮百草零疾

風高岡裂天衢陰崢嶸客子中夜發霜嚴衣帶斷指直不得一作結凌晨過驪山御榻在嵒

嶮蚩尤塞寒空蹴踏崖谷滑瑤池氣鬱律羽林相摩憂君臣一作留懽娛樂動殷轆一作

賜浴皆長纓與宴一作非袒裼彤廷所分帛本自寒女出鞭撻其夫家聚斂貢城闕聖人筐

篚恩實欲一作邦國活臣如忽至理君豈棄此物多士盈朝廷仁者宜戰慄况聞內金盤盡

在衛霍室中堂舞一作神仙煙霧散一作玉質煖客一作貂鼠裘悲管逐清瑟勸客駝蹄羹

霜橙壓香橘朱門酒肉臭路有凍死骨榮枯咫尺異惆悵難再述北轅就涇渭官渡又改轍

羣冰一作從西下極目高崒兀疑是崆峒來恐觸天柱折河梁幸未坼枝撐聲窸窣行旅相

攀援川廣不一作可越老妻寄一作異縣十口隔風雪誰能久不顧庶往共飢渴入門聞號

咷幼子飢已卒吾甯捨一哀里巷亦一作嗚咽所愧爲人父無食致天折豈知秋未一作登

貧甕有倉卒生常一作免租稅名不隸征伐撫迹猶一作酸辛平民固騷屑默思失業徒因

念遠成卒憂端齊

一作際

終南頽洞不可掇

自首至頽懸絕自述生平大志功節自處暮至

北諫至末敘瀝酒改道至奉先及到家情事此詩作於天寶十四載十一月而安

即於五月叛亂詩中極贊君臣權煥發有亂離之憂或諫山反叛已略有所聞耶

白水縣崔少府十九翁高齋三十韻

天寶十五載五月作○此下皆安祿山既亂以後之詩

客從南縣來浩蕩無與適旅食白日長況當朱炎赫高齋坐林杪信宿遊衍闋清晨陪躋攀

傲睨俯峭壁崇高相枕帶曠野懷

一作迢

咫尺始知賢主人贈此遺愁寂危階根青冥曾冰

生淅瀝上有無心雲下有欲落石泉聲聞復急

一作息

動靜隨所擊一作激鳥呼藏其身有似懼

彈射吏隱道

一作諫

情性茲焉其窟宅白水見舅氏諸翁乃仙伯杖藜長松陰作尉窮谷僻

爲我炊雕胡逍遙展良觀坐久風頗愁

一作怒

晚來山更碧相對十丈蛟歛翻盤渦圻何得空

裏雷殷殷尋地脈煙氛

一作氣

藹嶒一作嶒峯颯森慘戚崑崙崕峒顛迴首如一一作知不隔前軒

頽

一作推

反照巉絕華岳赤兵氣漲林巒川光雜鋒鏑知是相公軍鐵馬雲霧一作煙積玉觴淡

無味羯奴豈強敵長歌激屋梁淚下流衽席人生半哀樂天地有順逆慨彼高國夫休明備

征狄

一作敵

猛將紛填委廟謀蓄長策東郊何時開帶甲且來一作未

釋欲告清宴罷一作疲難拒

幽明迫三歎酒食旁何由似平昔

是時安祿山已陷東都而關中無恙故因見華岳而言林

也

三川觀水漲二十韻

天寶十五載七月

我經華原來不復見平陸北也唯土山連天走窮谷火雲無時出

一無時

飛電常在目自多

窮岫雨行潦相逐蹙蒼狗

蒼狗紅切

川氣黃羣流會空曲清晨望高浪忽謂陰崖踣音恐泥

竄蛟龍登危聚麋鹿枯查卷拔樹礪硯共充塞聲吹鬼神下勢閱人代速不有萬穴歸何以
尊四瀆及觀泉源漲反懼江海覆漂沙折岸去一作岸激壑松柏禿乘陵一作破破山門迴幹裂
一作地軸交洛赴洪河及關豈信宿應沈數州沒如聽萬室哭穢濁殊未清風濤怒猶蓄何
時通舟車陰氣不一作亦云黶黶浮生有蕩汨吾道正羈束人寰難容身石壁滑側足雲雷此一作
也一作不已艱險路更跼普天無川梁欲濟願水縮因悲中林士未脫衆魚腹舉頭向蒼天安得
騎鴻鶴

大雲寺贊公房四首

心在水精域衣霑春雨時洞門盡徐步深院果幽期到一作扉一作開復閉撞鐘齋及茲
醍醐長發性飲一作食過扶衰把臂有多日開懷無媿辭黃鸝一作度結構紫鴿下罽罽一作
非一作愚一作意會所適花邊行自遲湯休起我病微笑索題詩

細軟青絲履光明白氎巾深藏供老宿取用及吾身自顧轉無趣交情何尙新道林才不世
惠遠德過人雨瀉暮檐竹風吹青一作井芹天陰對圖畫最覺潤龍鱗

燈影照無睡心清聞妙香夜深殿突兀風動金銀鐙天黑閉春院地清樓暗芳玉繩迴斷絕
鐵鳳森翱翔梵放時出寺殘鐘仍殷牀明朝在沃野苦見塵沙黃一作拒官軍未已

童兒汲井華慣撻一作瓶上一作手露灑不濡地掃除似無帚明一作霞爛複閣霽霧牽

高牖側寒被徑花飄飄委堦一作柳艱難世事迫隱遁佳期後晤語契深心那能總鉗口奉

辭還杖策暫別終回首泱泱泥污人聽聽國多狗既未免羈絆一作時來憩奔走近公如白

雪執熱煩何有

晦日尋崔戢李封晦日謂正

朝光入甕牖宴寢驚傲裘起行視天宇春氣漸和柔興來一云得興不暇嬾今晨梳我頭出

門無所待徒一作徒步覺自由杖藜復恣意免值公與侯晚定崔李交會心眞罕儔每過得酒

傾二宅可淹留喜結仁里懽况因令節求李生園欲荒舊一作竹頗修修引客看掃除隨時

成獻酬崔侯初筵色已畏空尊愁未知天下士至一作志性有此不草牙既青出蜂聲亦暖遊

思見農器陳何當甲兵休上古葛天民不貽黃屋一作憂至今阮籍等熟醉爲身謀威鳳高

其翔一云白長鯨吞九州地軸爲之翻百川皆亂流當歌欲一放淚下恐莫收濁醪有妙理

庶用一云慰沈浮阮籍等即公自指位指崔李等也然辭句高其類句皆謂只

雨過蘇端端置

鷄鳴風雨一云交久旱雲亦好杖藜入春泥無食起我早諸家憶所歷一飯一作跡便掃蘇

侯得數過懽喜每傾倒也復可憐人呼兒具梨棗濁醪必在眼盡醉據懷抱紅稠屋角花碧

委一作秀牆隅草親賓縱一作談謔喧鬧畏衰老一作况蒙霈澤垂糧粒或自保妻孥隔軍壘

撥棄不擬道

喜晴一云

皇天久不雨既雨晴亦佳出郭眺西郊肅肅一作春增華青焚陵陂麥窈窕桃李一作花春

夏各有實我飢豈無涯干戈雖橫放慘澹鬪龍蛇甘澤不猶愈且耕今未賒丈夫則帶甲婦

女終在家力難及黍稷得種菜與麻千載商山芝往者東門瓜其人骨已朽一作此道誰疵
瑕英賢遇轍軻遠引蟠泥沙顧慙昧所適迴首白日斜漢陰有鹿門滄海有靈一作查焉能

學衆日咄咄空一作咨嗟

送率府程錄事還鄉

程淵酒賦
相就取別

鄙夫行衰謝抱病昏妄

一作

集常時往還人記一不識十程俟晚相遇與語才傑立蕭然耳

目開頗覺聰明入千載得鮑叔未契有所及意鍾

一作

老柏青義動修蛇螫若人可數見慰

我垂白泣告別無淹晷百憂復相襲內愧突不黔庶羞以一作賙給素絲挈長魚碧酒隨

玉粒途窮見交態世梗悲路澁東風吹春冰泱莽一作后土溼念君惜羽翮既飽更思戢

莫作翻雲鶴聞呼向禽急

述懷一首

此以下自賊中
寫歸風類作

去年潼關破妻子隔絕久今夏草木長脫身得西走麻鞋見天子衣袖露兩肘朝廷慈生還
親故傷老醜涕淚授拾遺流離主恩厚柴門雖得去未忍卽開口寄書問三川不知家在否
比聞同罹禍殺戮到雞狗山中漏茅屋誰復依戶牖摧頽蒼松根地冷骨未朽幾人全性命
盡室豈相偶嶽岑一作猛虎場鬱結迴我首自寄一封書今已十月後反畏消息來寸心亦
何有漢運初中興生平老耽酒沈思懽會處恐作窮獨一作叟

送長孫九侍御赴武威判官

驄馬新鑿蹄銀鞍被來好繡衣黃白郎騎向交河道問君適萬里取別何草草天子憂涼州

嚴程到須早去秋羣胡反不得無電掃此行收陳作遺毗風俗方再造族父領元戎錄注至

五月以武部侍郎杜鴻漸爲河四節度使名聲國開中老奪我同官良飄飄按城堡使我不能餐令我惡懷抱

若人才思闊溟漲浸一作絕島尊前失詩流塞上得國寶皇天悲送遠雲雨白浩浩東郊尙

烽火朝野色枯槁西極柱亦傾錄注崑山亂吐蕃乘隙舉掠至德初瀾州及武威等諸城入屯石盤如何正穹昊

送樊二十三侍御赴漢中判官

威弧不能弦自爾無甯歲川谷血橫流豺狼沸相噬天子從北來長驅振凋敝頓兵岐梁下

卻跨沙漠裔二京陷未收四極我得制蕭索漢水清緬通淮湖稅使者紛星散王綱尙旒綴

南伯從事賢君行立談際生一作知七曜歷手畫三軍勢冰雪淨聰明雷霆走精銳幕府輟

諫官朝廷無此一作例至尊方盱食仗爾布嘉惠補闕暮徵入柱史晨征一作聰補闕入柱

正當艱難時實藉長久計迴風吹獨樹白日照執袂慟哭蒼煙根山門萬重一作閉居人莽

牢落遊子方迢遞徘徊悲生離局促老一世陶唐歌遺民後漢更列一作帝恨無匡復姿一作

聊欲從此逝

送從弟亞赴西安一作判官

南風作秋聲殺氣薄炎熾盛夏鷹隼擊時危異人至令弟草中來蒼然一作請論事詔書引

上殿奮舌動天意兵法五十家爾腹爲篋笥應對如轉丸疏通略文字經綸皆新語足以正

神器宗廟尙爲灰君臣俱一作下淚崆峒地無軸青海一作天軒輕西極最瘡痍連山暗

烽燧帝曰大布衣藉卿佐元帥坐看清流沙所以子奉使歸當再前席適遠非歷一作試須

存武威郡爲畫長久計孤峯石戴驛快馬金纏轡黃羊飫不羶蘆一作發酒多還醉踴躍常人
情慘淡苦士志安邊敵何有反正計始遂吾聞駕鼓車不合用騏驎龍吟迴其頭夾輔待所
致

送韋十六評事充同谷郡防禦判官

昔沒賊中時潛與子同遊今歸行在所王事有去留偏側兵馬閒主憂急良籌子雖軀幹小

老一作志氣橫九州挺身艱難際張目視寇讐朝廷壯其節奉詔令參謀鑾輿駐鳳翔同谷爲

咽喉西扼弱水道南鎮枹罕一作城陬此邦承平日剽劫吏所羞况乃胡未滅控帶莽悠悠府

中韋使君道足示懷柔令姪才俊茂二美又何求受詞太白脚走馬仇池池頭古色一作色沙土

裂積陰雪雲一作霜稠一作陰羌父豪猪靴一作鞋羌兒青兕裘一作裘吹角向月窟蒼山

一作山旌旆愁鳥驚出死樹龍怒拔老湫古來無人境今代橫戈矛傷哉文儒士憤激馳林邱

中原正格鬪後會何緣由百年賦定命豈料沈與浮且復戀良友握手步道周論兵遠壑淨

亦可縱冥搜題詩得秀句札翰時相投

塞蘆子

五城何迢迢迢迢隔河水邊兵盡東征城內空荆杞思明割懷衛秀巖西未已迴畧大荒來

一作東崦函蓋虛爾延州秦北戶關防猶可倚焉得一萬人疾驅塞蘆子岐一作頃有薛大夫旁

制山賊起近聞昆戎徒爲退三百里蘆關扼兩寇深意實在此誰能一作致叫帝闈胡行速如

鬼一作捉捉一作捉寇一作寇東扼高史等窺太原之寇四則捉昆戎之寇者所以遮塞而扼守之也錢

氏謂塞蘆關而入直趨長安非塞字之義亦非詩旨社公以書生談兵未必有當於事

理然公之意以延州爲秦之北戶在長安之背扼此兩寇則長安或可收復耳末言胡
行速如鬼言我不疾驅秦之胡將連行而入則長安之守益固援益厚不復可克矣

彭衙行

憶昔避賊初北走經險艱夜深彭衙道

一作門

月照白水山盡室久徒步逢人多厚顏參差谷

鳥吟

一作鳴

不見遊子還癡女飢咬我啼畏虎狼

一作猛

聞懷中掩其口反側聲愈曠小兒強解

事故索苦李餐一句半雷雨泥濘相牽攀既無禦雨備徑滑衣又寒有時經

一作最

契關竟日數里閒野果充餽糧卑枝成屋椽早行石上水暮宿天邊煙少留周

一作留

關故人有孫宰高義薄曾雲延客已曠黑張燈啓重門煖湯濯我足剪紙招我魂從此出妻

孥相視涕闌干衆離爛漫睡喚起沾盤殮誓將與夫子永結爲弟昆遂空所坐堂安居奉我

權誰肯艱難際縈達露心肝別來歲月周羯胡仍搆患何當有翅翎飛去墮爾前

北征

歸至鳳州驛制
放往鄭州作

皇帝二載秋閏八月初吉杜子將北征蒼茫問家室維時遭艱虞

一作危

朝野少暇日顧慙恩

私被詔許歸蓬華拜

一作奉

辭詣闕下

一作闕門

怵惕久未出雖乏諫諍姿恐君有遺失君誠中興

主經緯固密勿東胡反未已臣甫憤所切揮涕戀行在道途

一作路

猶恍惚乾坤含

一作本

痍憂虞何時畢

一作不

願

靡靡踰阡陌人煙渺蕭瑟

一作索

所遇多被傷呻吟更流血迴

首鳳翔縣旌旗晚明滅前登寒山重屢得飲馬窟邠郊入地底涇水中蕩瀟猛虎立我前蒼

崖吼時裂菊垂今秋花石戴

一作一作

古車轍青雲動高興幽事亦可悅山果多瑣細羅生雜

一作一作

橡栗或紅如丹砂或黑如點漆雨露之所濡甘苦

齊結實緬思桃源內益歎身世拙坡

一作一作

齊結實緬思桃源內益歎身世拙坡

陀望鄜時巖谷互出沒我行已水濱我僕猶木末鷓鴣一作鳥鳴黃桑野鼠拱亂穴夜深一作中

經戰場寒月照白骨潼關百萬師往者散一作散何卒遂令半秦民殘害爲異物以上敘述物

況我墮一作墮胡塵及歸盡華髮經年至茆屋妻子衣百結慟哭松聲迴一作迴悲泉共幽一作鳴

咽平生所嬌兒顏色白勝雪見耶背面啼垢膩脚不攪床前兩小女補綻才一作才過邾海圖

披波濤舊繡移曲折天吳及紫鳳顛倒在衽一作衽褐老夫情懷惡嘔泄臥數日一作臥那

無一作無囊中帛救汝寒凜慄粉黛亦解苞衾裯稍羅列瘦妻面復光癡女頭自櫛學母無不

爲曉妝隨手抹移時施朱鉛狼籍畫眉闊生還對童穉似欲忘飢渴問事競挽鬢誰能卽曠

喝翻思在賊愁甘受雜亂聒新歸且慰意生理焉得說一作說○以上敘到家後情形至尊尙蒙塵幾日休

練卒仰觀一作觀天色改坐一作坐覺妖氣一作氣豁陰風西北來慘淡隨回鶻一作鶻其王願助順

其俗喜一作喜馳突送兵五千人驅馬一萬匹此輩少爲貴四方服勇決所用皆鷹騰破敵過

一作如箭疾聖心頗虛佇時議氣欲奪伊洛指掌收西京不足拔官軍請深入蓄銳何一作可俱

發此舉開青徐旋瞻略恒碣昊天積霜露正氣有肅殺禍轉亡胡歲勢成擒胡月胡命其能

久皇綱未宜絕以上回憶至尊在鳳憶昨狼狽初事與古先別姦臣竟菹醢同惡隨蕩析不

聞夏殷一作殷衰中自誅襄妲周漢獲再興宣光果明哲桓桓陳將軍仗鉞奮忠烈微爾人盡

非于今國猶活淒涼大同殿寂寞白獸闕都人望翠華佳氣向金闕園陵固有神掃灑數不

缺煌煌太宗業樹立甚宏達以上道頌勵亂之功

得舍弟消息

風吹紫荆樹色與春庭暮花落辭故枝風迴返無處骨肉恩書重漂泊難相遇猶有淚成河
經天復東注

玉華宮

溪迴一作松風長蒼鼠窺古瓦不知何王殿遺構絕壁下陰房鬼火青壞道哀湍瀉萬籟真
笙竽一作秋色一作正一作瀟灑美人爲黃土况乃粉黛假當時侍金輿故物獨石馬憂
來藉草坐浩歌淚盈把冉冉征途問誰是長年者

九成宮

蒼山入百里崖斷如杵白曾宮憑風迴一作岌業土囊口立神扶棟梁一作鑿翠開戶牖其
陽產靈芝其陰宿牛斗紛披一作長松倒一作揭礪怪石走哀猿啼一聲客淚迸林藪荒哉
隋家帝製此今頹朽向使國不亡焉爲巨唐有雖無新增修尙置官居守巡非瑤水遠跡是
雕牆後我行一作屬時危仰望嗟歎久天王守一作太白駐馬更搔一作首

羌村三首

崢嶸赤雲西日脚下平地柴門烏雀噪歸客一作千里至妻孥怪我在驚定還拭淚世亂遭
飄蕩生還偶然遂隣人滿牆頭感歎亦歔歔夜闌更秉燭相對如夢時

晚歲迫偷生還家少歡趣嬌兒不離膝畏我復卻去憶昔好一作追涼故繞池邊樹蕭蕭北
風勁撫事煎百慮賴知禾黍一作收已覺糟牀注如今足斟酌且用慰遲暮

羣雞正一作亂叫客王鷄鬪爭驅鷄上樹木始聞扣柴荆父老四五人問我久遠行手中各

有攜傾榼濁復清苦一作辭酒味薄黍地無人耕兵革既未息兒童一作盡東征請爲父老
歌艱難媿深一作情歌罷仰天歎四座淚縱橫

送李校書二十六韻

代北有豪鷹生子毛盡赤渥洼騏驎兒一作尤異是龍一作脊李舟名父子清峻流一作輩

伯人閒好少一作年不必須白哲十五富文史十八足賓客十九授校書二十聲輝一作赫

衆中每一見使我潛動魄自恐二男兒辛勤養無益乾元元一作年春萬姓始安宅舟也衣

綵衣告我欲遠適倚門固有望斂衽就行役南登吟白華已見楚山碧藹藹咸陽都冠蓋日

雲一作積何時太夫人堂上會親戚汝翁草明光天子正前席歸期豈爛漫別意終感激願

我蓬屋姿謬通金閨一作籍小來習性懶晚節一作慵轉劇每愁悔各作如覺天地窄羨君

齒髮新行己能夕惕臨歧意頗切對酒不能喫迴身視綠野慘淡如荒澤老鷹春忍一作飢

哀號待枯麥時哉高飛驚絢練新羽翮長雲溼褻斜漢水饒巨石無令軒車遲衰疾悲夙昔

留花門

北門一作花門一作北方天驕子飽肉氣勇決高秋馬肥健挾矢射漢月自古以爲患詩人厭薄伐修

德使其來羈縻固不絕胡爲傾國至出入暗金闕中原有驅除隱忍用此物公主歌黃鵠君

王指白日連雲屯左輔百里見積雪長戟烏休飛哀笳曙一作幽咽田家最恐懼麥倒桑枝

折沙苑臨清渭泉香草豐潔渡河不用船千騎常撇烈一作減一作正胡塵踰太行雜種抵京

室花門既須留原野轉蕭瑟

義鶴

宋制語水皆曰義鶴
行惟吳若本無行字

陰崖有蒼

一作

鷹養子

黑柏顛白蛇登其巢吞噬

一作

恣

一作

朝餐雄飛遠求食雌者鳴辛

酸力強不可制黃口無半存其父從西歸

一作

翻身入長煙斯須領健鶴痛憤

一作

草辭蛻

一作

所宣斗上振孤影嗷哮

來九天修鱗脫遠枝巨顛折老拳高空得踰蹬短

一作

草辭蛻

一作

颯折尾能一掉

飽腸皆

一作

已

一作

穿生雖滅衆雖死亦垂千年物情有報復快

意貴目前茲實鷺鳥最急難心炯

一作

然功成失所往

一作

用舍何其賢近經瀟水湄此事

樵夫傳飄蕭覺素髮凜欲

一作

衝儒冠人生許與分只在

一作

願盼閒聊爲義鶴行用

激壯士肝

畫鶴行

一作

畫

高堂見生

一作

鶴颯爽動秋骨初驚無拘攣

一作

何得立突兀乃知畫師妙功

一作

刮造化

窟寫作

一作

神俊姿充君眼中物烏鵲滿樛枝軒然恐其出側腦看青霄甯爲衆禽沒長翻

一作

如刀劍人寰可超越乾坤空崢嶸粉墨且蕭瑟緬思

願步獨紆鬱

新安吏

收京後作

兩京賦猶充斥

客行新安道喧呼聞點兵借問新安吏縣小更無丁府帖

一作

昨夜

一作

下次選中男行中

男絕短小何以守王城肥男有母送瘦男獨伶俜白水暮東流青山猶

一作

哭聲莫自使眼

枯收汝淚縱橫眼枯即見骨天地終無情我軍取

一作

相州日夕望其平豈意賊難料歸軍

星散營就糧近故壘練卒依舊京掘壕不到水牧馬役亦輕況乃王師順撫養甚分明送行
勿泣血僕射如父兄

潼關吏

士卒何草草築城潼關道大城鐵不如小城萬丈餘借問潼關吏修關一作還備胡要我下
馬行爲我指山隅連雲列戰格飛鳥不能踰胡來但自守豈復憂西都丈一作人視要處窄
狹容單車艱難奮長戟萬一作吳千本古用一夫哀哉桃林戰百萬化爲魚請囑防關將慎勿一作

學哥舒

石壕吏

暮投石壕村有吏夜捉人老翁踰牆走老婦出門看蘇調公本作老婦出門更呼一何怒婦啼一何苦
聽婦前致詞三男鄴城成一男附書至一作到二男新戰死存一作在者且一作是偷生死者長已
矣室中更無人惟文粹有乳下孫有孫母未去陳浩然本作孫有母未去出入一作更無完裙一云孫母未
完老嫗力雖衰請從吏夜歸急應河陽役猶得備晨炊夜久語聲絕如聞泣幽咽天明登前
途獨與老翁別

新婚別

兔絲附蓬麻引蔓故一作不長嫁女與征夫不如棄路旁結髮爲妻子樊作妻席不暖君牀暮

婚晨告別無乃太恩忙君行雖一作既不遠守邊赴一作河陽妾身未分明何以拜姑嫜父母

養我時日夜令我藏生女有所歸雞狗一作亦得將君今往死地陳浩然本作君今死生地沈

痛迫中腸誓欲隨君去一作住形勢反蒼黃勿爲新婚念努力事戎行婦人在軍中兵氣恐不揚自嗟貧家女久致羅襦裳羅襦不復施對君洗紅妝仰視百鳥飛大小必雙翔人事一作生多錯迕與君永相望

垂老別

凶郊未甯靜垂老一作死不得安子孫陣亡盡焉用身獨完投杖出門去同行爲辛酸幸有牙齒存一作好所悲骨髓一作肉乾男兒旣介冑長揖別上官老妻臥路啼歲暮衣裳單孰知是死別且復傷其寒此去必不歸還聞勸加餐土門壁甚堅杏園度亦難勢異鄴城下縱死時猶一作網寬人生有離合豈擇衰老一作盛端憶昔少壯日遲迴竟長歎萬國盡征戍一作車烽火被岡巒積屍草木腥流血川原丹何鄉爲樂土安敢尙盤桓棄絕蓬室居塌然摧肺肝

無家別

寂寞天寶後園廬但蒿藜我里百一作萬餘家世亂各東西存者無消息死者爲一作委塵泥賤子因陣敗歸來尋舊一作故蹊久行見空巷一作室日瘦氣慘悽但對狐與狸豎毛怒我啼四鄰何所有一二老寡妻宿鳥戀本枝安辭且窮棲方春獨荷鋤日暮還灌畦縣吏知我至召令習鼓鞞雖從本州役內顧無所攜近行止一身遠去終轉迷家鄉旣盪盡遠近理亦齊永痛長病母五年委溝谿生我不得力終身兩酸嘶人生無家別何以爲烝黎

夏日歎

夏日出東北陵天經一作天中街朱光徹厚地鬱蒸何由開上蒼久無雷無乃號令乖雨降

不濡物良田起黃埃飛鳥苦熱死池魚涸其泥萬人尙流冗舉目唯蒿萊至今大河北化一作
作虎與豺浩蕩想幽薊王師安在哉對食不能餐我心殊未諧眇然貞觀初難與數子偕

夏夜歎

永日不可暮炎蒸毒我一作腸安得萬里風飄飄吹我裳昊天出華月茂林延疏光仲夏苦
夜短開軒納微涼虛明見纖毫羽蟲亦飛揚物情無巨細自適固其常念彼荷戈士窮年守
邊疆何由一洗濯執熱互相望竟夕擊刁斗喧聲連萬方青紫雖被體不如早還鄉北城悲
笳發鶴鶴號且翔況復煩促倦激烈思時康

立秋後題

日月不相饒節序昨夜隔元蟬無停號秋燕已如客平生獨往願惆悵年半百罷官亦由人
何事拘形役

貽阮隱居助

陳留風俗衰人物世不數塞上得阮生迴繼先父祖貧知靜者性自一作益毛髮古車馬入
鄰家蓬蒿翳環堵清詩近道要識子一作用心苦尋我草廛微裳踏寒雨更議居遠村避
喧甘猛虎足明箕穎客榮貴如糞土

遣興三首

下馬古戰場四顧但茫然風悲浮雲去黃葉墜一作我前朽骨穴螻蟻又爲蔓草纏故老行
歎息今人尙開邊漢虜互勝負一作封疆不常全安得廉恥一作將三軍同晏眠

高秋登塞

一作塞

山南望馬邑州降虜東擊胡壯健盡不留穹廬莽牢落上有行雲愁老弱哭

道路願聞甲兵休鄴中事反覆

一云何

死人積如邱諸將已茅土載驅誰與謀

豐年孰

一云亦

云遲甘澤不在早耕田秋雨足禾黍已映道春苗九月交顏色同日老勸汝

衡門士勿悲尙枯槁時來展材力先後無醜好但訝鹿皮翁忘機對芳

一作荒

草時來二句謂天下多事但

展材力早晚皆可致富貴也鹿皮二句公以自况謂不思乘時自奮於功名但忘機觀物耳

昔遊

昔謁華蓋君深求洞宮脚

一作綠袍

玉棺已上天白日亦寂

一作冥

冥暮昇良岑

一作岑

頂巾几

猶未卻弟子四五人入來淚俱落余時游名山發軔在遠壑良覲違夙願含淒

一作淒

向寥廓

林昏罷幽磬竟夜伏石閣王喬下天壇微月映皓鶴晨溪嚮虛駛歸徑行已昨豈辭青鞵

悵望

一云悵

一金藥東蒙赴舊隱尙憶同志樂休

一作伏

事董先生于今獨蕭索胡爲客關塞道

意久衰薄妻子亦何人丹砂負前諾雖悲鬢髮變

一作髮

未憂筋力弱扶

一作杖

藜望清秋有

興入廬霍

幽人

孤雲亦羣遊神物有所歸麟

一作靈

鳳在赤霄何當

一作常

一來儀往與惠荀

一作詢

輩中年滄洲

期天高無消息棄我忽若遣內懼非道流幽人見瑕疵洪濤隱語笑鼓枻蓬萊池崔嵬扶桑

日照珊瑚枝風帆倚翠蓋

一作暮

暮把東皇衣嚙嗽元和津所思煙霞

一作霧

微知名未足稱

局促商山芝五湖復浩蕩歲暮有餘悲

一作遊

遊此境界以自適其適知名二句謂不欲學四皓留

名於世也五湖二句自歎
東轉塵中不能出世也

佳人

絕代有佳人幽居在空山一作谷自云良家子零落依草木關中昔喪敗一作兄弟遭殺戮官

高何足論不得收骨肉世情惡衰歇萬事隨轉燭夫婿輕薄兒新人已一作如玉合昏尙知

時鴛鴦不獨宿但見新人笑那聞舊人哭在山泉水清出山泉水濁侍婢賣珠迴牽蘿補茅

屋摘花不插髮一作髮一作髮采柏動盈掬一作天寒翠袖薄日暮倚修竹此詩不可解當有一賢

公敬慕而傷悼之故作詩以歌美之耳關中喪敗四句當是實賦其事前後皆以美人喻賢者

史遷其辭使人聽難尋求與阮公詠懷詩相近在山句謂賢人之隱居未仕者出山句謂賢人

已仕而因尋爲時所棄則愛憐之者少矣如李陵房瑄並爲

赤谷西崦人家

躋險不見喧一作宜出郊已清目溪迴日氣暖逕轉山田熟鳥雀依茅茨藩籬帶松菊如行

武陵暮欲問桃花一作源一作宿

西枝村尋置草堂地夜宿贊公土室二首

出郭眇細岑披榛得微路溪行一流水曲折方屢渡贊公湯休徒好靜心迹素昨枉霞上作

盛論巖中趣怡然共攜手恣意同遠步捫蘿澀先登陟巘眩反顧要求陽岡暖苦陟一作陰

嶺洵惆悵老大藤沈吟屈蟠樹卜居意未展杖策迴且暮層巖一作餘落日草蔓已多露

天寒鳥已歸月出人一作更一作靜土室延白光松門耿疏影躋攀倦日短語樂奇夜永明

然林中薪暗汲石底一作井大師京國舊德業天機乘從來支許遊興趣江湖迴數奇謫關

塞道廣存箕穎何知戎馬閒復接塵事屏幽尋豈一路遠色有諸嶺晨光稍朦朧更越西南頂

寄贊上人

一昨陪錫杖卜鄰南山幽年侵腰脚衰未便陰崖秋重岡北面起竟日陽光留茅屋買一作兼土斯焉心所求近聞西枝西有谷杉黍稠亭午頗和暖石一作沙田又足收當期塞一作雨乾宿昔齒疾瘳徘徊虎穴上面勢龍泓頭柴荆具茶茗逕一作路通林邱與子成二老來往亦風流

太平寺泉眼

招提憑高岡疏散連草莽出泉枯柳根汲引歲月古石閒一作門見海眼天畔滎水府廣深丈尺閒宴息敢輕侮青白二小蛇幽姿可時覩如絲氣或上爛漫爲雲雨山頭到山下鑿井不盡土取供十方僧香美勝牛乳北風起寒文弱藻舒一作翠縷明涵客衣淨細蕩林影趣何當宅下流餘潤通藥圃三春溼黃精一食生毛羽

夢李白二首

死別已吞聲生別常惻惻江南瘴癘地逐一作客無消息故人入我夢明我長相憶恐非平生魂路遠一作不可測魂來楓葉林一作青魂一作返關塞黑君今在羅網何以一作有羽翼落月滿屋梁猶疑照一作顏色水深波浪闊無使蛟龍得

浮雲終日行遊子久不至三夜頻夢君情親見君意告歸常局促苦道來不易江湖多風波

一云秋多風舟楫恐失墜出門搔白首若一作負平生志冠蓋滿京華斯人獨顛顛執云網依依一作將老身一作反累千秋萬歲名寂寞身後事

有懷台州鄭十八司戶一作處

天台隔三江一作風浪無晨暮鄭公繼得歸老病不識路昔如水一作江上鷗今如一作置

中兔性命由他人悲辛但狂顧山鬼獨一脚蝮蛇長如樹呼號傍孤城歲月誰與度從來禦

魘魅多爲一作才名誤夫子嵇阮流更被一作時俗惡海隅微小吏眼暗髮垂素黃帽映一作

近類杖青袍非供折腰具平生一杯酒見我故人遇相望無所成乾坤莽迴互

遺興五首

蟄龍三冬臥老鶴萬里心昔時賢俊人未遇猶視今嵇康不得死一作且孔明有知音又如

壠底松用捨在所尋大哉霜雪幹歲久爲枯林

昔者一作龐德公未曾入州府襄陽耆舊閒處士節獨一作苦豈無濟時策一作終竟喪羅

罟一作林茂鳥有歸水深魚知聚舉家依一作鹿門劉表焉得取

我今日夜憂諸弟各異方不知死與生何況道路長避寇一分散飢寒永相望豈無柴門歸

一作欲出畏虎狼仰看雲中鴈禽鳥亦有行

蓬生非無根漂蕩隨高風天寒落萬里不復歸本叢客子念故宅三年門巷空悵望但烽火

戎車滿關東生涯能幾何常在羈旅中

昔在洛陽時親友相追攀送客東郊道遨遊宿南山煙塵阻長河樹羽成皋閒迴首載酒

豈無一日還丈夫貴壯健慘戚非朱顏

遣興五首

朔風飄胡雁慘澹帶沙礫長林何蕭蕭秋草萋更碧北里富薰天高樓夜吹笛焉知南鄰客
九月猶絺綌

長陵銳頭兒出獵待明發一作弓金爪鏑白馬蹴微雪未知所馳逐但見暮光滅歸來懸

兩狼門戶有旌節

漆有用而割膏以明自煎蘭摧白露下桂折秋風前府中羅舊尹沙道尙依然赫赫蕭京兆

今爲時所憐

猛虎憑其威往往遭急縛雷吼徒咆哮枝撐已在脚忽看皮寢處無復睛閃爍人有甚于斯

足以勸一作元惡

朝逢富家葬前後皆一作輝光共指親戚大總麻百夫行送者各有死不須羨其強君看束

練一作去亦得歸山岡

遣興五首

天用莫如龍有時繫扶桑頓轡海徒涌神人身更長性命苟不存英雄徒自強吞聲勿復道

真宰意茫茫

地用莫如馬無良復誰記此日千里鳴追風可君意君看渥洼種態與駑駘異不雜一作蹄

齧閒逍遙有能事

陶潛避俗翁未必能達道觀其著詩集頗亦憾枯槁達生豈是足默識蓋不早有子賢與愚
何其掛懷抱

賀公雅吳語在位常清狂上疏乞骸骨黃冠歸故鄉爽氣不可致斯人今則亡山陰一茅宇

江一作淮海日淒涼

吾憐孟浩然履褐卽長夜賦詩何必多往往淩鮑謝清江空舊魚一作舊魚美魚春雨餘甘蔗

每望東南雲令人幾悲咤

前出塞九首

國藩按錢謙謂前出塞爲徵秦隴之兵赴交河而作刺主上窮兵開邊其說近是謂後出塞爲徵秦隴之兵赴交河而作刺主上窮兵開邊其說遠後出塞追管至德間徵兵赴蜀以討安史觀秦見幽州騎二句則所憶者乃安史

戚戚去故里悠悠赴交河公家有程期亡命嬰禍羅君已富土境開邊一何多棄絕父母恩

吞聲行負戈

出門日已遠不受徒旅欺骨肉恩豈斷男兒死無時走馬脫轡頭手中挑青絲捷下萬仞一作一

丈岡俯身試拳旗

磨刀鳴咽水水赤刃傷手欲輕腸斷聲心緒亂已久丈夫誓許國憤惋復何有功名圖麒麟

戰骨當速朽

送徒既有長遠戍亦有身生死向前去不勞吏怒曠路逢相識人附書與六親哀哉兩決絕

不復同一作苦辛

迢迢萬餘里領我赴三軍軍中異苦樂主將甯盡聞隔河見胡騎倏忽數百羣我始爲奴僕
幾時樹功勳

挽弓當挽強用箭當用長射人先射馬擒賊先擒王殺人亦有限列一作國自有疆苟能制
侵陵豈在多殺傷

驅馬天雨雪軍行入高山逕危抱寒石指落曾冰閒已去漢月遠何時築城還浮雲暮南征
可望不可攀

單于寇我壘百里風塵昏雄劍四五動彼軍爲我奔虜其名王歸繫頸授轅門潛身備行列
一勝何足論

從軍十年餘能無分寸功衆人貴苟得欲語羞雷同中原有鬪爭況在狄與戎丈夫四方志
安可辭固一作窮

後出塞五首

男兒生世閒及壯當封侯戰伐有功業焉能守舊邱召募赴薊門軍動不可留千金買馬鞭
一作百金裝刀頭闔里送我行親戚擁道周斑白居上列酒酣進庶羞少年別有贈含笑看

吳鉤

朝進東門營一作暮上河陽橋落日照大旗馬鳴風蕭蕭平沙列萬幕部伍各見招中天懸

明月令嚴夜寂寥悲笳數聲動壯士慘不驕借問大將誰恐是霍嫖姚

古人重守邊今人一作重高勳豈知英雄主出師互長雲六合已一家四奪且孤軍遂使貔

虎士奮身勇所聞拔劍擊大荒日收胡馬羣誓開元冥北持以奉吾君
獻凱日繼踵兩蕃靜無虞漁陽豪俠地擊鼓吹笙竽雲帆轉遼海纓稻來東吳越羅與楚練
照耀輿臺軀主將位益崇氣驕凌上都邊人不敢議議者死路衢
我本良家子出師亦多門將驕益愁思身貴不足論躍馬二十年恐辜明主恩坐見幽州騎
長驅河洛昏中夜閒道歸故里但空村惡名幸脫免窮老無兒孫

別贊上人

百川日東流客去亦不息我生苦一作若漂蕩何時有終極贊公釋門老放逐來上國還爲世
塵嬰頗帶顛頰色楊枝晨在手豆子雨已熟是身如浮雲安可限南北異縣逢舊友一作交初
忻寫胸臆天長關塞寒一作遠歲暮飢凍一作寒逼野風吹征衣欲別向曠黑一作鳴馬嘶一作思
故檣歸鳥盡斂翼古來聚散地宿昔長荆棘相看俱衰年出處各努力

萬丈潭

同谷縣作按此下皆由秦州赴同谷
道赴劍南及居蜀以後之詩

青溪合趙鴻刻冥漠神物有顯晦龍依積水蟠窟壓萬丈內跼步凌垠堦側身下煙靄前臨
洪濤寬卻立蒼石大山危一徑盡崖絕兩壁對削成根虛無倒影垂澹灑趙作澗黑如陳作爲
灣環底清見光炯碎孤雲方典倒來深飛鳥不在外高羅成帷一作帳幄寒木累旌旆遠川曲
通流嵌竇潛洩瀨造幽無人境發興自我輩告歸遺恨多將老斯遊最閉藏修鱗蟄出入巨

石

趙作

礙何事趙作

暑一作炎

天過怪意風雨一作雲

會

兩當縣吳十侍御江上宅

寒城朝煙澹山谷落葉赤陰風千里來吹汝江上宅鷓鴣號枉渚日色傍阡陌借問持斧翁
幾年長沙客哀哀失木狢矯矯避弓翻亦知故鄉樂未敢思宿昔昔在鳳翔都共通金闥一作
門籍天子猶蒙塵東郊暗長戟兵家忌閒謀此輩常接跡臺中領舉劾君必慎剖析不忍殺
無辜所以分白黑上官權許與失意見遷斥吳君因論職宜分別真偽勸子原宥而見難敘事雅潔極不易學仲尼甘旅人
向子識損益朝廷非不知閉口休歎息在朝本仲尼一職下余時忝諍臣丹陛實咫尺相看受狼
狽至死難塞責行邁心多遠出門無與適於公負明義惆悵頭更白

發秦州

乾元二年自秦州赴同谷縣紀行十二首

我衰更嬾拙生事不自謀無食問樂土無衣思南州漢源十月交天氣涼如秋草木未黃落
況聞山水一作東幽栗亭名更佳下有良田疇充腸多薯蕷崖蜜亦易求密竹復冬笋清池可
方舟雖傷一作云旅寓遠庶遂平生遊此邦俯要衝實恐人事稠應撈非本性登臨未銷憂谿
谷無異石寒田始徵收豈復慰老夫一作大憫一作憫然難久留日色隱孤戍烏啼滿城頭中宵
驅車去飲馬寒塘流磊落星月高蒼茫雲霧浮大哉乾坤內吾道長悠悠

赤谷

天寒霜雪繁游子有所之豈但歲月暮重來未有期晨發赤谷亭險艱方自茲亂石無改轍
我車已載脂山深苦多風落日童穉飢悄然村墟迥煙火何由追貧病轉零落一作云故鄉不
可思常恐死道路永爲高人嗤

鐵堂峽

山風吹遊子縹渺乘險絕硤形藏堂隍壁色立積謂作鐵徑摩穹蒼蟠石與厚地裂修纖無
垠一作竹嵌空一作太始雪威遲哀壑底徒旅慘不悅一作徒憫水寒長冰橫我馬骨正折
生涯抵弧矢盜賊殊未滅飄蓬踰三年迴首肝肺熱

鹽井

鹵中草木白青者官鹽煙官作既有程煮鹽煙在川汲井歲楫草堂本云出車日連連自
公斗三百轉致斛六千君子慎止足小人苦喧闐我何良歎嗟物理固自然一云亦

寒硤

行邁日悄悄山谷勢多端雲門轉絕岸積阻霾天寒寒硤不可度我實一作衣裳單况當仲
冬交泝沿增波瀾野人尋煙語行子傍水餐此生免荷艾未敢辭路難

法鏡寺

身危適他州勉強終勞苦神傷山行深愁破崖寺古嬋娟碧蘚淨蕭緘寒籟聚回回一作山
一作根水冉冉松上雨洩雲蒙清晨初日翳復吐朱藁半光炯戶牖粲可數挂一作策忘前
期出蘿已亭午冥冥子規叫微徑不復一作取

青陽峽

塞外苦厭山南行道登道彌惡岡巒相經互雲水氣參錯林迴峽角來天窄一作壁面削礫
西五里石奮怒向我落仰看日車側俯恐坤軸弱魑魅一作嘯有一作風霜霰浩漠漠昨憶一作
踰隴坂高秋視吳岳東笑蓮華卑北知崆峒薄超然侔壯觀已謂殷一作寥廓突兀猶趁人

及茲歎冥冥來八句謂登臨之時氣象寥廓眼界已爲之一曠矣不意茲山又突兀兀於人信造物之冥冥難測也

龍門鎮

細泉及輕冰沮洳棧道溼不辭辛苦行迫一作迫此短景急石門雪雲一作雲隘一作隘古鎮峰巒
集旌竿暮慘澹風水白刃澀胡馬屯成皋防虞此何及嗟爾遠戍人山寒夜中泣

石龕

熊羆咆我東虎豹號我西我後鬼長嘯我前械又啼天寒昏無日山遠道路迷驅車石龕下
仲冬見虹蜺伐竹一作水者誰子悲謔上一作拖雲梯爲官採美箭五歲供梁齊苦云直籜一作箭
盡無以充一作提攜奈何漁陽騎颯颯驚烝黎

積草嶺

連峯積長陰白日遞隱見颯颯林響交慘慘石狀變山分一作外積草嶺路異明水縣旅泊吾
道窮一作取衰年歲時倦卜居尙百里休駕投諸彥邑有佳主人情如已會面來書語絕妙遠
客驚深眷食蕨不願餘茅茨眼中見

泥功山

朝行青泥上暮在青泥中泥滓一作非非一時版築勞人功不畏道途一作路永乃將一作及反將
汨沒同白馬爲鐵驪小兒成老翁哀猿一作猿透卻墜死鹿力所窮寄語北來人後來莫恩恩

鳳凰臺

鳳凰臺山峻不至高頂亭亭鳳凰臺北對西康州西伯今寂寞鳳聲亦悠悠山峻路絕蹤石林氣高浮安得萬丈梯

爲君上上頭恐有無母雛飢寒日啾啾一云我能剖心出飲啄慰孤愁心以當竹

實炯然無方與外求血以當醴泉豈徒比清流所重王者瑞敢辭微命休坐看綵翮長舉一作

舉一作意八極周自天銜瑞圖一作飛下十二樓圖以奉至尊鳳以垂鴻猷再光中興

業一洗蒼生憂深衷正方與爲此羣盜何淹留

發同谷縣

乾元二年十二月一日
自關右赴劍南紀行

賢有不黔突聖有不暖席況我飢愚人一作焉能尙安宅始來茲山中休駕喜地僻奈

何迫物累一歲四行役夏發華州冬漲秦州十二月發同谷忡忡去絕境杳杳更遠適停驂龍潭雲迴首白一作

崖石臨歧別數子握手淚再滴交情無舊深一作壁無蒼深深知窮老多慘感平生嬾拙意

偶值棲遁跡去住與願違仰慙林閒翮

木皮嶺

首路栗亭西尙想鳳凰村季冬攜童一作幼穉辛苦赴蜀門南登木皮嶺艱險不易論汗流被

我體祈寒爲之暄遠岫爭輔佐千巖自崩奔始知五嶽外別一作有他山尊仰干一作

塞大明俯入裂厚坤再聞虎豹鬪屢踟風水昏高有廢閣道摧折如短一作轅下有冬青林

石上走長根西崖特秀發煥若靈芝繁潤聚金碧氣清無沙土痕憶觀崑崙圖一作目擊元

圃存對此欲何適默傷垂老魂

白沙渡

畏途隨長江渡口欲絕岸差池上舟楫杳窅入雲漢天寒荒野外日暮中流半我馬向北嘶

山猿飲相喚水清石礪礪沙白灘漫漫迴一作然洗愁辛多病一疏散高壁抵嶽崆一作洪
濤越凌亂臨風獨迴首攬轡復三歎

水會渡

回波一云水

山行有常程中夜尙未安微月沒已久崖傾路何難大江動一作我前洶若溟渤寬篙師暗
理楫歌笑輕波瀾霜濃木石滑風急一作手足寒入舟已千憂陟巘仍萬盤迴眺積水一作
石外始知衆星乾遠遊令人瘦衰疾慙加餐

飛仙閣

土一作門山行窄微徑緣秋毫一云徑微棧雲闌干峻梯石結構牢萬壑欹疏林一作積陰
帶奔濤寒日外淡泊長風中怒號歇鞍在心底始覺所歷高往來雜坐臥人馬同疲勞浮生
有定分飢飽豈可逃歎息謂妻子我何隨汝一作曹

五盤

五盤雖云險山色佳有餘仰凌棧道一作細俯映江木疏地僻無網罟水清反多魚好鳥不
妄飛野人半巢居喜見淳樸俗坦然心神舒東郊尙格鬪巨猾何時除故鄉有弟妹流落隨
邱墟成都萬事好一作豈若歸吾廬

龍門閣

清江下龍門絕壁無尺土長風駕高一作浪浩浩自太古危途中縈盤一作仰望垂綫縷
滑石欹誰鑿浮梁裊相拄目眩隕雜花頭風吹過雨一作百年不敢料一墜那得取飽聞

知一作經畧塘足見度大庾終身歷艱險恐懼從此數

石櫃閣

季冬一作冬日已長山晚半天赤蜀道多早花江開饒奇石石櫃曾波上臨墟蕩高壁清暉迴

羣鷗眠色帶遠客羈樓負幽意感歎向絕跡信甘孱懦嬰不獨凍餒迫優遊謝康樂放浪陶

彭澤吾衰未自安一作由謝爾性所一作適

桔柏渡

青冥寒江渡駕竹爲長橋竿溼煙一作竿漢漢江永一作水風蕭蕭連竿動嫋娜征衣颯飄飄

急流鵝鷄散絕岸鼉鼉驕西轅自茲異東逝不可要高通荆門路闊會滄海潮孤光隱顧眄

遊子悵寂寥無以洗心胸前登但山椒

劍門

惟天有設險劍門一作關天下壯連山抱西南石角皆北向兩崖崇墉倚刻畫城郭狀一夫怒

臨關一作門百萬未可傍一作仰珠玉一作玉走中原岷峨氣悽愴三皇五帝前雞犬各相一作自放

後王尚柔遠職貢道已喪至今英雄人高視見霸王并吞與割據極力不相讓吾將罪真宰

意欲鏖疊嶂恐此復偶然臨風默一作聽惆悵

鹿頭山

鹿頭何亭亭是日慰飢渴連山西南斷俯見千里豁遊子出京華劍門不可越及茲險阻盡
始喜原野濶殊方昔三分霸氣曾開發天下今一家雲端失雙闕悠然想揚馬繼起名碑兀

有文一作才

令人傷何處理齒骨紆餘脂膏地慘澹豪俠窟伏鉞非老臣宣風豈專達冀公柱

石姿論道邦國活斯人亦何幸公鎮踰歲月

千里如在目前故云始喜原野闊俯見千里豁

成都府

鬢鬢桑榆日照我征衣裳我行山川異忽在天一方但逢新人民未卜見故鄉大江東流去

東一作從

游子去日一作日月

長曾城壘華屋季冬樹木蒼喧然名都會吹簫聞一作笙簧信美無

與適側身望川梁鳥雀夜各歸中原杳茫茫初月出不高衆星尙爭光自古有羈旅我何苦

哀傷

贈蜀僧闍邱師兄太常博士

大師銅梁秀籍籍名家孫嗚呼先博士炳靈精氣奔惟一作昔武皇后臨軒御乾坤多士盡

儒冠墨客藹雲屯當時上紫殿不獨卿相尊世傳闍邱筆峻極逾一作崑崙鳳藏丹霄暮一作

龍去一作出白水渾青熒雪嶺東碑碣舊製存斯文散都邑高價越瓊璫晚看作者意妙絕

與誰論吾祖詩冠古同年蒙主恩豫章夾日月歲久空深根小子思疏闊豈能遠詞門窮愁

一作秋一揮淚相遇卽諸昆我住錦官城兄居祇樹園地近慰旅愁往來當邱樊天涯歇滯雨

粳稻臥不翻漂然薄遊倦始一作如與道侶一作敦景晏步修廊而無車馬喧夜闌接軟語一作

落月如金盆漠漠世界黑一作空驅驅爭奪繁惟有摩尼珠可照濁水源以下十六句

不均詠均獨均相均尊均者均謂均主均上均亦均重均之均也

泛溪

落景下高堂進舟泛迴溪誰謂築居小未盡喬木西遠郊信荒僻秋色有餘淒練練峯上雪
纖纖雲表霓童戲左右岸戲一云兒童左右 罟弋畢提攜翻倒荷芰亂指揮逕路迷得魚已割鱗採
藕不洗泥人情逐鮮美物賤事已迹一云 啖吾村靄暝姿異舍雞亦棲蕭條欲何適出處庶可
齊衣上見新月霜中登故畦濁醪初自熟東城多鼓鼙

病柏

有柏生崇岡童童狀車一作青 蓋偃蹙龍虎姿主當風雲會神明依正直故老多再拜豈知千
年根中路顏色壞出非不得地蟠據亦高大歲寒忽無憑一作用 日夜柯葉改一作碎 丹鳳領九
雛哀鳴翔其外鷓鴣志意滿養子穿穴一作窟 內客從何鄉來佇立久吁怪靜求元精一作無根 理
浩蕩難倚賴

病橘

羣一作伊 橘少生意雖多亦奚爲惜哉結實小一作少 酸澀如棠梨剖一作割 之盡蠹蟲一作蝨 采掇
爽其一作用 宜紛然不適口豈只存其皮蕭蕭半死葉未忍一作感 別故枝元冬霜雪積況乃迴
風吹嘗聞蓬萊殿羅列瀟湘姿此物歲不稔玉食失一作少 光輝寇盜尙憑陵當君減膳時汝
病是天意吾諗一作一 罪有司憶昔南一作開 海使奔騰獻荔支百馬死山谷到今耆舊悲

枯椶

蜀門多椶一作椶 椶高者十八九其皮割剝甚雖衆亦易朽徒布一作有 如雲葉青黃歲寒後交
橫集斧斤凋喪先蒲柳傷時苦軍乏一物官盡取嗟爾江漢人生成復何有有同枯椶木使

我沈嘆久死者卽已休生者何

能一作

自守啾啾黃雀啁側見寒蓬走念爾形影乾

形一作影

枯摧

殘沒藜莠

枯枿

榿枿枯崢嶸鄉黨皆莫記不知幾百歲慘慘無生意上枝摩皇

一作

天下根蟠厚地巨圍雷

霆坼萬孔蟲蟻萃凍雨落流膠衝風奪佳氣白鶴遂不來天鷄爲愁思猶含棟梁具無復霄

漢

一作

志良工古昔少識者出涕淚種榆水中央長成何容易截承金露盤裊裊不自畏

大雨

西蜀冬不雪春農尙嗷嗷上天回哀眷朱

一作

夏雲鬱陶執熱乃沸鼎織絺成縵袍風雷颯

萬里霈澤施蓬蒿敢辭茅葦漏已喜黍豆高三日無行人二

一作

江聲怒號流惡邑里清矧

茲遠江皋荒庭步鶴鶴隱几望波濤沈疴聚藥餌頓忘所進勞則知潤物功可以貸不毛陰

色靜壠畝勸耕自官曹四鄰耒耜出

一作出耒耜

何必吾家操

溪漲

當時浣花橋溪水纔尺餘白石

一作

明可把水中有行車秋夏忽泛溢豈惟

一作

入吾廬蛟

龍亦狼狽况是鼃與魚茲晨已半落歸路跬步疏馬嘶未敢動前有深壙淤青青屋東麻散

亂床上書不意

一作

遠山雨夜來復何如我游都市閒晚憩必村墟乃知久行客終日思其

居

戲贈友二首

元年建巳月郎有焦校書自誇足膂力能騎生馬駒一朝被馬踏脣裂板齒無壯心不肯已
欲得東擒胡

元年建巳月富有王司直馬驚折左臂骨折面如墨驚駘漫一作深泥何不避雨色
勸君休歎憾未必不爲福

遭田父泥飲美嚴中丞

步屢隨春風村村自花柳田翁逼社日邀我嘗春酒酒酣誇新尹畜眼未見有迴頭指大男
渠是弓弩手名在飛騎籍長番歲時久前日放營農辛苦救衰朽差科死則已誓不舉家走
今年大作社拾遺能住否叫婦開大瓶盆中爲吾取感此氣揚揚須知風化首語多雖雜亂
說尹終在口朝來偶然出自卯將及酉久客惜人情如何拒鄰叟高聲索果栗欲起時被肘
指揮過無禮未覺村野醜月出遮我留仍曠問升斗

喜雨

春旱天地昏日色赤如血農事都已一作未休兵戈况騷屑巴人困軍須慟哭厚土熱滄江夜

來雨真宰罪一雪穀根小一作少蘇息沴氣終不滅何由見甯歲解我憂思結崢嶸一作東山

雲交會未斷絕安得鞭雷公滂沱洗吳越多時聞斷右

述古三首

赤驥頓長纓非無萬里姿悲鳴淚至地爲問馭者誰鳳凰從東一作天來何意復高飛竹花不

結實念子忍朝飢古時君臣合可以物理推賢人識定分進退一作固其宜

市人日中集於利競錐刀置膏烈火上哀哀自煎熬農人望歲稔相率除蓬蒿所務穀一作

爲本邪羸無乃勞舜舉十六相身尊道何高秦時任商鞅法令如牛毛

漢光得天下祚永固有開豈惟高祖聖功自蕭曹來經綸中興業何代無長才吾慕寇鄧勳濟時信良哉耿賈亦宗臣羽翼共徘徊休運終四百圖畫在雲臺

冬到金華山觀因得故拾遺陳公學堂遺跡

涪右衆山內金華紫崔嵬上有蔚藍天垂光抱瓊臺繫舟接絕壁策杖窮縈回四顧俯層巖
淡然川谷開雪嶺日色一作死霜鴻有餘哀焚香玉女跪霧裏仙人來陳公讀書堂石柱仄
青苔悲風爲我起激烈傷雄才

陳拾遺故宅

拾遺平昔居大屋一作尙修椽悠揚一作荒山日慘淡一作故園一作煙位下曷足傷所貴

者聖賢有才繼懸樵哲匠不比肩公生揚馬後名與日月懸同游英俊人多秉輔佐權彥昭

超一作玉價郭振一作起通泉到今素壁滑灑翰銀鉤連盛事會一時此堂豈千年終古立

忠義感遇有遺編

謁文公上方

野寺隱喬木山僧高下居石門日色異絳氣橫扶疏窈窕一作窕入風磴長蘿紛卷舒庭前猛

虎臥遂得文公廬俯視萬家邑煙塵對階除吾師雨花外不下十年餘長者自布金禪龕只

晏如大火一作珠脫玷翳白月一作當空虛甫也南北人蕪蔓少耘鋤久遭詩酒污何事忝鑿

裾王侯與螻蟻同盡隨邱墟願聞第一義迴向心地初金篦刮眼膜價重百車渠無生有汲引茲理儻吹噓

奉贈射洪李四丈

明甫

丈人屋上烏人好烏亦好人生意氣豁不在相逢早南京亂初定所向邑一作枯槁遊子無根株茅齋付秋草東征下月峽掛席窮海島萬里須十金妻孥未相保蒼茫風塵際踳踳駢驎老志士懷感傷心胸已傾倒

早發射洪縣南途中作

將老憂貧竇筋力豈能及征途乃一作侵侵星得使諸病入鄙人寡道氣在困無獨立俶裝

逐徒旅達曙凌險澀寒日出霧遲清江轉山急僕夫行不進駑馬若維繫汀洲稍疏散風景

開快一作悵悵空慰所尙懷終非曩游集衰顏偶一破勝事難屢一作空挹茫然阮籍途更灑楊

朱泣

通泉驛南去通泉縣十五里山水作

溪行衣自溼亭午氣始散冬溫蚊蚋在一作人遠鳧鴨亂登頓生曾陰歛傾出高岸驛樓衰

柳側縣郭輕煙畔一川何綺麗盡目一作窮窮壯觀山色遠寂寞江光夕滋漫傷一作時時愧孔

父去國同王粲我生苦飄零所歷有嗟歎

過郭代公故宅

豪俊初未遇其跡或脫略代公尉通泉放意何自若及夫登袞冕真氣森噴薄一本此下有

所歷終藩宗國薄按錢案
本玉句草堂本皆作直氣

磊落見異人豈伊常情度定策神龍後宮中翕清廓俄頃辨尊親

指揮存顧託羣公有

一作

慚色王室無削弱迴出名臣上丹青照臺閣我行得遺跡

一作池址

館皆疏鑿壯公臨事斷顧步涕橫落

草堂本精魄深在一聯在此下

高咏寶劍篇神交付冥漠

觀薛稷少保書畫壁

少保有古風得之陝郊篇惜哉功名忤但見書畫傳我游梓州東遺跡涪江邊畫藏青蓮界
書入金榜懸仰看垂露姿不崩亦不騫鬱鬱三大字蛟龍岌相纏又揮西方變發地扶屋椽
慘淡壁飛動到今色未填此行疊壯觀郭薛俱才賢不知百載後誰復來通泉

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵低昂各有意磊落如長人佳此志氣遠
豈惟粉墨新萬里不以力羣遊森會神威遲白鳳態非是倉鷓鄰高堂未傾覆常一作得慰
嘉賓曝露牆壁外終嗟風雨頻赤霄有眞骨恥飲洿池津冥冥任所往脫略誰能馴

陪章留後惠義寺餞嘉州崔都督赴州

中軍待上官令肅事有恒前驅入寶地祖帳飄金繩南陌

一作伯

既留歡茲山亦深登清聞樹

杪磬遠謁雲端僧迴策匪新岸

一作

所攀仍舊藤耳激洞門颯目存寒谷冰出塵闕軌躅畢

景潰炎蒸永願坐長夏將衰棲大乘羈旅惜宴會艱難懷友朋勞生共幾何離憾兼相仍

將適吳楚留別章使君留後兼幕府諸公得柳字

我

一作市

來入蜀門歲月亦已久豈唯長兒童自覺成老醜常恐性坦率失身爲杯酒近辭痛

飲徒折節萬夫

一作人

後昔如

若哭作

縱壑魚今如喪家狗既無游方戀行止復何有相逢半新

故取別隨薄厚不意青草湖扁舟落吾手眷眷章梓州開筵俯高柳樓前出騎馬帳下羅賓

友健兒簸紅旗此樂或

一作難

難朽日車隱崑崙鳥雀噪戶牖波濤未足畏

所憂盜賊多重見衣冠走中原消息斷黃屋今安否終作適荆蠻安排用莊叟隨雲拜東皇

挂席上南斗有使即寄書無使長迴首

自首至爾舟落吾手自敘居蜀已久將赴吳楚登登八句敘飲錢來十二句敘別意

山寺

留得開字章留後同遊

野寺根

一作限

石壁諸龕遍崔嵬前佛不復辨白身一莓苔雖

一作唯

有古殿存世尊亦塵埃如

聞龍象泣足令信者哀使君騎紫馬捧擁從西來樹羽靜千里臨江久徘徊山僧衣藍縷告

訴棟梁摧公爲顧

一作領

賓徒

一作從

咄嗟檀施開吾知多羅樹卻倚蓮華臺諸天必歡喜鬼神

無嫌猜以茲撫士卒孰曰非周才窮子失淨處高人憂禍胎歲晏風破肉荒林寒可迴思量

入

一作人

道苦自晒同嬰孩

糶拂子

糶拂且薄陋豈知身效能不堪代白羽有足除蒼

一作青

蠅熒熒金錯刀擢擢朱絲繩非獨顏

色好亦用

一作由

願盼稱吾老抱疾病家貧臥炎蒸唾膚倦撲滅賴爾甘服膺物微世競棄義

在誰肯徵三歲清秋至未敢闕臧膝

寄題江外草堂

梓州作寄成都故居

我生性放誕難欲逃自然嗜酒愛風

一作佳

竹卜居必

一作此

林泉遭亂到蜀江臥痾遺

一作所

便誅茅初一畝廣地方一作必連延經營上元始斷手寶應年敢謀土木麗自覺面勢堅一作賢

臺亭一作亭臺隨高下敞豁當清川雖一作惟有會心侶數能同釣船干戈未偃息安得酣歌眠蛟

龍無定窟黃鵠摩蒼天古來達士志一作士甯受外物牽顧惟魯鈍姿豈識悔吝先偶攜老

妻去慘澹淩風煙事跡無固必幽貞媿雙全尙念四小松蔓草易一作已拘纏霜骨不甚長永

爲鄰里憐自首蓋數能同釣船語至成都經營草堂數年乃成自干戈未偃息以下語因亂五梓州遠離草堂思憶之也

送韋諷上閬州錄事參軍

國步猶艱難兵革未衰息萬方哀一作向嗷嗷十載一作年供軍食庶官務剝剝不暇憂反側誅

求何多門賢者貴爲德一作德韋生富春秋洞澈有清識操持綱紀地喜見朱絲直當令

慰我深相憶因豪奪吏自此無顏色必若救瘡痍先應去蝥賊揮淚臨大江高天意悽惻行行樹佳政

慰我深相憶

閬州東樓筵奉送十一舅往青城縣得昏字

曾城有高樓一作會制古丹雘存迢迢百餘尺豁達開四門雖有一作會車馬客而無人世喧遊

目俯大江列筵慰別魂是時秋冬交節往顏色昏天寒鳥獸休一作伏霜露在草根今我送舅

氏萬感集清樽豈伊山川間迴首盜賊繁高賢意不暇王命久崩奔臨風欲慟哭聲出已復

吞

南池

崢嶸巴閬間所向盡山谷安知有蒼池萬頃浸坤軸呀然闔城南枕一作帶巴江腹芰荷入

異縣稂稻共比屋皇天不無意美利戒止足高田失西成此物頗豐熟清源多衆魚遠岸富
喬木獨歎楓香林春時好顏色南有漢王一作主祠終朝走巫祝歌舞散靈衣荒哉舊風俗高

堂一作皇亦明王魂魄猶正直不應空陂上縹緲親酒食淫祀自古昔非唯一川瀆干戈浩茫

茫地僻傷極目平生江海一作洪濤興遭亂身局促駐馬問漁舟躊躇慰羈束自首玉富喬木飲

至一川瀆飲主注
配末六句唱歌作歌

贈別賀蘭鈞

黃雀飽野粟羣飛動荆榛今君抱何憾寂寞向時人老驥倦驥首蒼一作飈愁易馴高賢世

未識固合嬰饑貧國步初返正乾坤尙風塵悲歌鬢髮白遠赴湘吳春我戀岷下芋君思千

里尊生離與死別自古鼻酸辛

別唐十五誠因寄禮部賈侍郎

九載一相逢百年能幾何復爲萬里別送子山之阿白鶴久同林潛魚本同河未知棲集期

衰老強高歌歌罷兩悽惻六龍忽蹉跎相視髮皓白况難駐義和胡星墜燕地漢將仍橫戈

蕭條四海內人少豺虎多少人慎莫投多虎信所過飢有易子食獸猶畏虞羅子負經濟才

天門鬱嵯峨飄飄適東周來往若一作亦崩波南宮吾故人白馬金盤陀雄筆映千古見賢心

靡一作匪他念子善師事歲寒守舊柯爲吾謝賈公病肺臥江沱

草堂

昔我去草堂蠻考塞成都今我歸草堂成一作此都適無虞請陳初亂時反覆乃須臾一作斷大

將赴朝廷羣小起異圖中宵斬白馬盟敵氣已纍西取邗南兵北斷劍閣隅布衣數十人亦
擁專城居其勢不兩大始聞蕃漢殊西卒卻倒戈賊臣互相誅焉知肘腋禍自及梟獍徒義
士皆痛憤紀綱亂相踰一國實三公萬人欲爲魚唱和作威福執肯一作能辨無辜眼前列枉
械背後吹笙竽談笑行殺戮濺一作流血滿長衢到今川鉞地風雨聞號呼鬼一作人妾與鬼馬
色悲充爾娛國家法令在此又足驚吁賤子且奔走三年望東吳弧矢暗江海難爲遊五湖
不忍竟舍此復來薤榛蕪入門四松在步履一作操萬竹疏舊犬喜我歸低徊入衣一作我裾鄰
舍喜我歸沽酒攜胡蘆一作樓大官喜我來遺騎問所須城郭喜一作知我來賓客隘一作淫村
墟天下尙未甯健兒勝腐儒飄鷄一作風塵際何地置一作致老夫於時見一作是疣贅骨髓幸
未枯飲啄媿殘生食薇不敢餘一作道反一作亂其下一作忠厚所殺也一作自義士皆痛憤一作此又足驚
吁敘徐逆孽誅而成都無主紀綱大亂徐殺無辜俱所謂一國三公者不知指何人耳自賤子且奔走以下敘廣德二年嚴武再來鎮蜀公自梓州復還成都

四松

四松初移時大抵三尺強別來忽三載一作歲離立如人長會看根不拔莫計枝凋傷幽色幸

一作會秀發疏柯亦一作已昂藏所插小藩籬本亦有隄防終然振一作切撥損得恹一作愧千葉黃

敢爲故林主黎庶猶未康避賊今始歸春草滿空堂覽物歎衰謝及茲慰淒涼清風爲我起

灑面若微霜足以送老婆一作送聊待一作將偃蓋張我生無根帶一作帶配爾一作汝亦茫茫

有情且賦詩事跡可兩一作兩忘勿矜千載後慘澹蟠穹蒼

水檻

蒼江多風颺雲雨晝夜飛茅軒駕巨浪焉得不低垂遊子久在外門戶無人持高岸尙如一作爲谷何傷浮柱欹扶顛有勸誠恐貽識者嗤既殊大廈傾可以一木支臨川視萬里何必欄檻爲人生感故物慷慨有餘悲

破船

平生江海心宿昔具扁舟豈惟清溪上日傍柴門遊蒼皇避亂兵緬邈懷舊邱鄰人亦已非野竹獨脩脩船舷不重扣埋沒已經秋仰看西飛翼下愧東逝流故者或可掘新者亦易求所悲數奔竄白屋難久留

營屋

我有陰江竹能令朱夏寒陰通積水內高入浮雲端甚一作疑鬼物憑不顧剪伐殘東偏若面勢戶牖永可安愛惜已六載茲晨去干竿不顧疑當作不顧謂前此甚好此竹愛惜六歲不顧伐之茲晨將營屋乃伐去干竿耳蕭蕭見白日洶洶聞奔湍度堂匪華麗養拙異考槃草茅雖薙葺衰疾方少寬洗然順所適此足代加餐寂無斤斧響庶遂憩息歎

除草

吳若水注去蕪草也
頭實潛山韭

草有害於人曾何生阻修其毒甚蜂蠆其多彌道周清晨步前林江色未散憂芒刺在我眼焉能待高秋霜露一作一露凝一作蕙葉亦難留荷鋤先童稚日入仍討求轉致水中央豈無雙釣舟頑根易滋蔓敢使依舊邱自茲一作藩籬曠更覺松竹幽芟奪不可闕疾惡信如

揚旗二年夏六月成都尹張公

江一作風雨颯長夏府中有餘清我公會賓客肅肅有異聲初筵閱軍裝羅列照廣庭庭空六

俯身盡妙取略地平虹霓就掌握舒卷隨人輕三州陷犬戎但見西嶺青公來練猛士欲奪

天邊城此堂不易升庸蜀日已甯吾徒且加餐休食蠻與荆

太子張舍人遺織成褥段

客從西北來遺我翠一作細織成開緘風濤湧中有掉尾鯨透迤羅水族瑣細不足名客云充

君褥承君終宴榮空堂魑魅一作魍魎走高枕形神清領客珍重意願我非公卿留之懼不祥施

之混柴荆服飾定尊卑大哉萬古程今我一賤老裋一作短褐更無營煌煌珠宮物寢處禍所

嬰一作衆歎息當路子干戈尚縱橫掌握有權柄衣馬自一作已肥輕李鼎死岐陽實以驕貴盈

來瑱賜自盡氣豪直一作真阻兵皆聞黃金多坐見悔吝生奈何田舍翁受此厚貺情錦鯨卷

還客始覺心和平振我蠡席塵媿客茹一作飯藜藿一作藜藿皆聞一作昔聞國藩按敘事得

別蔡十四著作自此以上公自臨蜀久居成都草堂中開會至

賈生慟哭後寥落無其人安知蔡夫子高義邁等倫獻書謁皇帝志已清風塵流涕灑丹極

萬乘爲酸辛天地則創痍朝廷當一作多正臣異才復開出周道日惟新使蜀見知己別顏始

一伸主人薨城府扶輿歸咸秦巴道此相逢會我病江濱憶念鳳翔都聚散俄十春我衰不

足道但願子意一作音陳稍令社稷安自契魚水親我雖消渴甚敢忘帝力勤尙思未朽骨復

五古杜甫上

親耕桑民積水駕三峽浮龍倚長津一作輪揚舫洪濤閒仗子濟物身鞍馬下秦塞王城通北
辰元甲聚不散兵久食恐貧窮谷無粟帛使者來相因若憑一作蓬南轅吏一作陳書札到天垠

十八家詩鈔卷八目錄

杜工部五古下九十五首

杜鵑

客居

客堂

石硯詩

水閣朝霽奉簡嚴雲安

贈鄭十八賁

三韻三首

鄭典設自施州歸

柴門

貽華陽柳少府

雷

火

七月三日亭午已後較熱退晚加小涼穩睡有詩因論壯年樂事戲呈元二十一曹長
牽牛織女

毒熱寄簡崔評事十六弟

殿中楊監見示張旭草書圖

楊監又出畫鷹十二扇

送殿中楊監赴蜀見相公

贈李十五丈別

西閣曝日

課伐木

園人送瓜

信行遠修水筒

槐葉冷淘

行官張望補稻畦水歸

催宗文樹雞柵

園官送菜

上後園山脚

驅豎子摘蒼耳

秋行官張望督促東洛耗稻向畢清晨遣女奴阿稽豎子阿段往問

阻雨不得歸灑西甘林

雨三首

晚登灑上堂

又上後園山脚

雨

甘林

雨

種蒿菑

暇日小園散病將種秋菜督勒耕牛兼書觸目

八哀詩八首

寫懷二首

往在

昔遊

壯遊

遣懷

同元使君春陵行

覽柏中允兼子姪數人除官制詞因述父子兄弟四美載歌絲綸

聽楊氏歌

奉酬薛十二丈判官見贈

別李義

送高司直尋封閩州

贈蘇四侯

寄薛三郎中

宿青溪驛奉懷張員外十五兄之緒

敬寄族弟唐十八使君

北風

客從

白馬

別董獫

送重表姪王砮評事使南海

詠懷二首

送顧八分文學適洪吉州

上水遣懷

遣遇

解憂

宿鑿石浦

早行

過津口

次空靈岸

宿花石戍

早發

次晚洲

望嶽

湘江宴餞裴二端公赴道州

奉送魏六丈佑少府之交廣

別張十三建封

奉贈李八丈判官

蘇大侍御訪江浦賦八韻紀異

題衡山縣文宣王廟新學堂呈陸宰

入衡州

舟中苦熱遣懷奉呈楊中丞通簡臺省諸公

聶耒陽以僕阻水書致酒肉療飢荒江詩得代懷興盡本韻至縣呈聶令

十八家詩鈔卷八目錄終

十八家詩鈔卷八

湘鄉曾國藩纂

合肥李鴻章審訂

鹽城印鸞章校字

杜工部五古下九十五首

杜鵑

自此以下嚴武卒後公去成都至戎州渝州忠州豐寓居雲安夔州之詩

西川有杜鵑東川無杜鵑涪萬無杜鵑雲安有杜鵑我昔遊錦城結廬錦水邊有竹一頃餘喬木工參天杜鵑暮春至哀哀叫其閒我見常再拜重是古帝魂生子百鳥巢百鳥不敢曠

一作

仍爲餒其子禮若奉至尊鴻雁及羔羊有禮太古前行飛與跪乳識序如

一作

知恩聖

賢古

一作

法則付與後世傳君看禽鳥情猶解事杜鵑今忽暮春閒值我病經年身病不能

拜淚下如迸泉

黃鱸本破舊水題注云上皇帝歸還廟宗用李輔國謀遷之內上皇臣於此詩感是而作錢箋以是說爲然國藩按望帝即位於開明而白暨於

四山與明皇幸蜀而內禪於肅宗其事略同此詩及杜鵑行皆爲上皇而作殆近之矣

客居

客居所居堂前江後山根下塹萬尋岸蒼濤鬱飛翻蔥青衆木梢邪豎雜石痕子規晝夜啼壯士斂精魂峽開四千里水合數百源人虎相半居相傷終兩存蜀麻久不來吳鹽擁荆門西南失大將錢箋永泰元年閏十月郭英又爲崔旰所殺蜀中大亂大元帥商旅自星奔今又降元戎已聞動行軒舟子候利涉亦憑節制尊我在路中央生理不得論臥愁病腳屣徐步視小園短畦帶碧草悵望思王孫鳳隨其皇去籬雀暮喧繁覽物想故國十年別荒村日暮歸

幾翼北林空自昏安得覆八溟爲君洗乾坤稷契易爲力犬戎何足吞儒生老無成臣子憂
四番篋中有舊筆情至時復援

客堂

憶昨離少城而今異楚蜀舍舟復深山窅窅一林麓棲泊雲安縣消中內相毒舊疾廿載

一作來衰年得無足一作得弱足死爲殊方鬼頭白免短促老馬終望雲南雁意在北別家

長兒女欲起慚筋力客堂叙節改具物對羈東石暄蕨芽紫渚秀蘆筍綠巴鸚一作紛未稀

微麥早向熟悠悠日動江漠漠春辭木臺郎選才俊自顧亦已極前輩聲名人埋沒何所得

居然縮章紱受性本幽獨平生憩息地必種數竿竹事業只濁醪營葺但草屋上公有記者

累奏資薄祿主憂豈濟時身遠彌曠職循一作文廟算正獻可天衢直尙想趨朝廷毫髮裨

社稷形骸今若是進退委行色

石硯詩

平侍

平公今詩伯秀發吾所羨奉使三峽中長嘯得石硯巨璞禹鑿餘異狀君獨見其滑乃波濤

其光或雷電聯坳各盡墨多水遞隱見揮灑容數人十手可對面比公頭上冠貞質未爲賤

當公賦佳句况得終清宴公含起草姿不遠明光殿致於丹青地知汝隨顧盼

水閣朝霽奉簡嚴雲安

一作雲安

東城抱春岑江閣鄰石面崔嵬晨雲白朝旭一作射射芳甸雨檻臥花叢風牀展書卷一作展

鉤簾宿鷺起丸藥流鸚囀呼婢取酒壺續兒誦文選晚交嚴明府矧此數相見

贈鄭十八賁

温温士君子令人懷抱盡靈芝冠衆芳安得闕親近遭亂意不歸竄身迹非隱細人尙姑息
吾子色愈謹高懷見物理識者安肯哂卑飛欲何待捷徑應未忍示我百篇文詩家一標準
羈離交屈宋牢落值顏閔水陸迷畏一作是途藥餌駐修軫古人日已遠青史字不泯步趾咏
唐虞追隨飯葵葦數杯資好事異味煩縣尹心雖在朝謁力與願矛盾抱病排金門衰容豈
爲敏

三韻三篇

高馬勿唾

一作插

面長魚無損鱗辱馬馬毛焦困魚魚有神君看磊落士不肯易其身

蕩蕩萬斛船影若揚白虹起檣必椎牛挂席集衆功自非風動天莫置大水中

烈一作列

士惡多門小人自同調名利苟可取殺身傍權要何當官曹清爾輩堪一笑

鄭典設自施州歸

吾憐滎陽秀冒暑初有適名賢慎所出

一作出處

不肯妄行役旅茲殊俗遠一作還竟以屢空迫南

謁裴施州氣合無險僻攀援懸根本登頓入天

草堂陳浩然並作矢

石青山自一川城郭洗憂憾聽子

話此邦令我心悅懌其俗則一作甚純樸不知有主客温温諸侯門禮亦如古昔敕廚倍常羞

杯盤頗狼籍時雖屬喪亂事貴賞一作當匹敵中宵愜良會裴鄭非遠戚羣書一萬卷博涉供

務隙他日辱銀鉤森疏見矛戟倒屣喜旋歸畫地求一作來所歷乃聞風土質又重田疇關刺

史似寇恂列郡宜競惜

一作州

借音述

○以上敘鄭自施

州歸以下敘公亦思南行也

北風吹瘴癘羸老思散策渚拂蒹葭

塞一作嶠穿蘿蕙羃此身仗兒僕高興潛有激孟冬方首路強飯取崖壁歎爾疲駑駘汗溝血不赤終然備外飾駕馭何所益我有平肩輿前途猶準的翩翩入鳥道庶脫蹉跌厄

柴門

孤一作舟登瀛西迴首望兩崖東城乾旱天其氣如焚柴長影沒窈窕餘光散嗒呀大江蟠

嵌根歸海成一家下衝割坤軸竦壁攢鏤鄧蕭颯灑秋色氛一作昏霾日車峽一作門自此

始最窄容浮查禹功翊造化疏鑿就欵斜巨渠決太古衆水爲長蛇風煙渺吳蜀舟楫通鹽

麻我今遠遊子飄轉混泥沙萬物附本性約一作身一作不願一作奢茅棟蓋一牀清池有

餘花濁醪與脫粟在眼無咨嗟山荒人民少地僻日夕佳貧病一作固其常富貴任生涯老

於干戈際宅幸蓬華遮石亂上雲氣杉清一作延月一作華賞妍又分外理愜夫何誇足了

垂百年敢居高士差書此豁平昔迴首猶暮霞

貽華陽柳少府

繫馬喬木閒問人野寺門柳侯披衣笑一作見我顏色溫竝坐石下堂一作石堂下石俛視大

江奔火雲洗月露絕壁上朝曦自非曉相訪觸熱生病根南方六七月出入異中原老少多

喝死汗踰水漿翻俊才得之子筋力不辭煩指揮當世事語及戎馬存涕淚一作濺我裳悲

氣排帶關鬱陶抱長策義仗知者論吾衰臥江漢但媿譏瓊瑤文章一小技於道未爲尊起

予幸斑白因是託子孫俱客古信州結廬依毀垣相去四五里徑微山葉繁時危挹佳士况

免軍旅喧醉從趙女舞歌鼓秦人盆子壯願我傷我驩兼淚痕餘生如過鳥故里今空村

雷

大旱山岳燠密雲復無雨

如雨

南方瘴癘地罹此農事苦封內必舞雩峽中喧擊鼓真龍

竟寂寞土梗空俯僂吁嗟公私病稅斂缺不補故老仰面啼瘡痍向誰數暴殄或前聞鞭巫

非稽古請先偃甲兵處分聽人主萬邦但各業一物休盡取水旱其數然至然堯湯免親

親上天鑠金石羣盜亂豺虎二者存一端愆陽不猶愈昨宵殷其雷風過齊萬弩復吹靈翳

散虛覺神靈聚氣喝腸胃融汗滋衣裳污一云吾衰尤拙計一云失望築場圃

火

楚山經月火大旱則斯舉舊俗燒蛟一作龍驚惶致雷雨爆嵌魑魅泣崩凍嵐陰晦羅落沸

百泓根源皆萬一作古青林一灰燼雲氣無處所人夜殊赫然新秋照牛女風吹巨礮作河

棹一作騰一作煙柱勢欲焚崑崙光彌焮洲渚腥至焦長虵聲吼一作纏猛虎神物已高飛

不一作見石與土爾寧要謗譟憑此近焚侮薄關長吏憂甚味至精主遠遷誰撲滅將恐及

環堵流汗臥江亭更深氣如縷

七月三日亭午已後較熱退晚加小涼穩睡有詩因論壯年樂事戲呈元二十一曹長

今茲商用事餘熟亦已末衰年旅炎方生意從此活亭午減汗流北鄰耐人聒晚風爽鳥匿

筋力蘇摧折閉目踰十旬大江不止渴退藏憾雨師健步聞一作旱魃園蔬抱金玉無以供

採掇密雲雖聚散徂暑終一作衰歇前聖脊焚巫武王親救喝陰陽相主客時序遞迴轉灑

落唯清秋昏蠹一空闊蕭蕭紫塞鴈南向欲行列歛思紅顏日霜露凍階闕胡馬挾彫弓鳴

弦不虛發長鉞逐一作狡兔突羽當滿月惆悵白頭吟蕭條游俠窟臨軒望山閣縹緲安可

越高人煉丹砂禾念將朽骨少壯迹頗疏歡娛曾倏忽杖藜風塵際老醜難翦拂吾子得神

仙本是池中物賤夫美一睡煩促嬰詞筆公他日有詩所謂放蕩齊趙間委馬頗清狂春歌

蓋上冬風青邱勞者也

牽牛織女

牽牛出河西織女處其東萬古永相望七夕誰見同神光一作意一作難候此事終蒙騰颯

然精靈合何必秋遂通亭亭新妝立龍駕具曾空一作世人亦為爾祈請走兒童稱家隨豐

儉白屋達公宮膳夫翊堂殿鳴玉淒房櫺曝衣徧天下曳月揚微風蛛絲小人態曲綴一作

瓜果中初筵瀼重露日出甘所終一作嗟汝未嫁女秉心鬱忡忡防身動如律竭力機杼中

雖無姑舅事敢味織作功明明君臣契咫尺或未容義無棄禮法恩始夫婦恭小大有佳期

戒之在至公方圓苟齟齬丈夫多英雄一云勿替丈夫織末句不可解

毒熱寄簡崔評事十六弟

大暑一作運金氣荆揚不知秋林下有場翼水中無行舟千室但掃地閉關人事休老夫一作

轉不樂旅次兼百憂歟地暮偃蹇空牀難暗投炎宵惡明燭况乃懷舊邸開襟仰內弟執

熱露白頭束帶負芒刺接居成阻修何當清霜飛會子臨江樓載聞大易義諷興一作詩家

流蘊藉異時輩檢身非苟求皇皇使臣體信是德業優楚材擇杞梓漢苑歸驂驢短章達我

心理為一云識者籌空林暗投云者謂蚊蚋出於林間不敢於暮暗時投身設臥也而執

不可
學也

殿中楊監見示張旭草書圖

斯人已云亡草聖秘難得乃茲煩見示滿目一淒惻悲風生微綃萬里起古色鏘鏘鳴玉動
落落羣松直連山蟠其閒溟泮與筆力有練實先書臨池真盡墨俊拔爲之主暮年思轉極
未知張王後誰竝百代則嗚呼東吳精逸氣感清識楊公拂篋筭舒卷忘寢食念昔揮毫端
不獨觀酒德

楊監又出畫鷹十二扇

近時馮紹正能畫鷲鳥樣明公出此圖無乃傳其狀殊姿各獨立清絕心有向一作向疾禁千
里馬氣敵萬人將憶昔驪山宮冬移含元仗天寒大羽獵此物神俱王當時無凡材百中皆
用壯粉墨形似閒識者一惆悵干戈少暇日眞骨老崖嶂爲君除狡兔會是翻一作飛罽上

送殿中楊監赴蜀見相公

去水絕還波曳雲無定姿人生在世閒聚散亦暫時離別重相逢偶然豈定期送子清秋暮
風物長年悲豪俊貴勳業邦家頻出師相公鎮梁益軍事無子遺解榻再見今用才復擇誰
況子已高位爲郡得固辭難拒供給費慎哀漁奪私干戈未甚息紀綱正所持汎舟巨石橫
登陸草露滋山門日易久云當念居者思

贈李十五丈別

峽人鳥獸居其室附層巔下臨不測江中有萬里船多病紛倚薄少留改歲年絕域誰慰懷

開顏喜名賢孤陋忝末親等級敢比肩人生意頗一作氣合相與襟袂連一日兩遣僕三日一
共筵揚論屢寸心壯筆過飛泉玄成美價存子山舊業傳李十五之父當有名位於時故以象賢庚辰吾比之不聞八
尺軀常受衆目一作且爲辛苦行蓋被生事牽北迴白帝棹南入黔陽天沂公制方隅迴出諸
侯先封內如太古時危獨蕭然清高金莖露一作金掌露正直朱絲絃昔在堯四岳今之黃
穎川于邁恨不同所思無由宣山深水增波解榻秋露懸客游雖云久主要一作亦思月再圓晨
集風渚亭醉操雲嶠篇丈夫貴知己歡罷念歸旋

西園曝日

凜冽倦元冬負暄嗜飛閣羲和流德澤顛頊愧倚薄毛髮具自和一作私肌膚潛沃若太陽信
深仁衰氣歟有託欵傾煩注眼容易收病腳流離一作或流木杪一作槍猿翩躚山顛鶴用一作刊知
苦聚散哀樂日已作一作亦卽事會賦詩人生忽如昨一作錄古來遭喪亂賢聖盡蕭索胡爲
將暮年憂世心力弱

課伐木並序

課隸人伯夷幸一作幸秀信行等入谷斬陰木人日四根止維條伊枚正直挺然晨征
暮返委積庭內我有藩籬是缺是補載伐篠簜伊仗一作仗支持則旅次於小安山有
虎知禁若恃爪牙之利必昏黑檜一作檜突變人屋壁列一作列樹白菊一作菊錢爲牆
實以竹示式遏爲與虎近混淪乎無良賓客憂一作憂害馬之徒苟活爲幸可嘿息已

作詩示宗武一作文誦

長夏無所爲客居課奴

一作

僕清晨飯其腹

一作

持斧入白谷青冥曾巖後十里斬陰木人

肩四根已亭午下山麓尙聞丁丁聲功課日各足蒼皮成委積

吳本作積委

素節相照燭藉汝跨

小籬當仗一

云杖若

虛竹空荒咆熊羆乳獸待人肉不示知禁情豈惟干戈哭城中賢

府主處貴如白屋蕭蕭理體淨蜂蠆不敢毒虎穴連里閭隄防舊風俗泊舟滄江岸久客慎

所觸舍西崖嶠壯雷雨蔚含蓄牆宇資屢修衰年怯幽獨爾曹輕執熱爲我忍煩促秋光近

青岑季月當泛菊報之以微寒共給酒一斛

園人送瓜

江閒雖炎瘴瓜熟亦不早柏公鎮夔國滯務茲

一作

一掃食新先戰士共少及溪

一作

老傾

筐蒲鵠青滿眼顏色好竹竿接嵌竇引注來鳥道沈浮亂水玉愛惜如芝草落刃嚼冰霜開

懷慰枯槁許以秋蕃除仍看小童

一作

抱東陵

一作

迹蕪絕楚漢休征討園人非故侯種此

何草草

信行遠修水筒

汝性不茹葷清靜僕夫內秉心識本

一作

源於事少滯礙雲端水筒坼林表山石碎觸熱藉

子修通流與廚會往來四十里荒險崖谷大日曠驚未餐

一作

貌赤媿相對浮瓜供老病裂

餅嘗所愛於斯答恭謹足以殊殿最詎要方士符何假將軍蓋

高麗本

行諸直如筆用意崎

峴外

槐葉冷淘

青青高槐葉采掇付中廚新麪來近市汁滓宛相俱入鼎資過熟加餐愁欲無碧鮮俱照筋
香飯兼苞蘆經齒冷於雪勸人投此一作比珠願隨金駟裏走置錦屠蘇又作蘇路遠思恐泥興
深終不渝獻芹則小小薦藻明區區萬里露寒殿開冰清玉壺君王納涼晚此味亦時須

行官張望補稻畦水歸

東屯大江北

大云枕

百頃平若按六月青稻多千畦碧泉亂插秧適云已引溜加溉灌更僕

往方塘決渠當斷岸公私各地著浸潤無天旱主守問家臣分明

一作明

見溪伴

一作時芊芊刈

翠羽剡剡生

一作向

銀漢鷗鳥鏡裏來關山雪邊看秋菰成黑米精鑿

一作設

傳

一作傳白粲玉粒

足晨炊紅鮮任霞散終然添旅食作苦期壯觀遺穗及衆多我倉戒滋蔓

催宗文樹雞棚

吾衰怯行邁旅次展崩迫愈風傳烏雞秋卯方漫喫自春生成者隨母向百翻驅軫制不禁
喧呼山腰宅課奴殺青竹終日憎一作增赤幘踏藉盤按翻塞蹊使之隔牆東有隙一作地
可以樹高柵避熱時來一作未歸問兒所爲迹織籠曹其內令人不得擲稀閒可一作苦突過芻
爪還汚席我寬螻蟻遭彼免狐貉厄應宜各長幼自此均勅敵籠柵念有修近身見一作知損
益明明領處分一一當剖析不昧風雨晨亂離減憂感其流則凡鳥其氣心匪石倚賴窮歲
晏撥煩去一作及冰釋未似尸鄉翁拘留蓋阡陌

園官送菜

並序

園官送菜把本數日闕矧苦苜馬齒掩乎嘉蔬傷小人妬害君子菜不足道也比而

作詩

清晨蒙

一作送

菜把常荷地主恩守者愆實數略有其名存苦苜刺如鍼馬齒葉亦繁青青嘉

蔬色埋沒在

一作白

中園園吏未足怪世事固堪論嗚呼戰伐久荆棘暗長原乃知苦苜輩傾

奪蕙草根小人塞道路爲態何喧喧又如馬齒盛氣擁葵荏昏點染不易虞絲麻雜羅紈一

經器

一作

物內永掛蠹刺痕志士採紫芝放歌避戎軒哇丁負籠至感動百慮端

上後園山腳

朱夏熱所嬰清旭

一作日

步北林小園背高岡挽葛上崎崙曠望延駐目飄飄散疏襟潛鱗恨

水

一作川

壯去翼依雲深勿謂地無疆劣於山有陰石楨徧天下水陸兼浮沈自我登隴首十

年經碧岑劍門來巫峽薄倚浩至今故園暗戎馬骨肉失追尋時危無消息老去多歸心志

士惜白日久客藉黃金敢爲蘇門嘯庶作梁父吟

驅豎子摘蒼耳

江上秋已分林

一作村

中瘴猶劇哇丁告勞苦無以供日夕蓬莠獨不

耳况療風童兒且時摘

一作先

云童僕

侵星

一作疑

一作侵

驅之去爛漫任遠適放筐亭

相蒙羈登牀半生熟下筯還小益加點瓜薤閒依稀橘

一作水

奴迹亂世誅求急黎民糠粃窄

飽食復何心荒哉膏粱客富家廚肉臭戰地骸骨白寄語惡少年黃金且休擲

秋行官張望督促東渚耗

一作刈

稻向畢清晨遣女奴阿稽豎子阿段往問

東渚雨今足佇聞粳稻香上天無偏頗蒲稗各自長人情見非類田家戒其荒功夫競耜耨

除草置岸旁穀者命之本客居安可忘青春具所務勤墾免亂常吳牛力容易竝驅去聲動莫
當一云粉豐苗亦已概雲水照方塘有生固蔓延靜一資隄防督領不無人提攜一作頗在
綱荆揚風土暖肅肅候微霜尙恐主守疏用心未甚臧清朝遣婢僕寄語喻崇岡西成聚必
散不獨陵我倉豈要仁里譽感此亂世忙北風吹蒹葭蟋蟀近中堂荏苒百工休鬱紆遲暮
傷

阻雨不得歸灤西甘林

三伏適已過驕陽化爲霖欲歸灤西宅阻此江浦深壞舟百板坼峻岸復萬尋篙工初一棄
恐泥勞寸心佇一作立東城隅悵望高飛禽草堂亂元圃不隔崑崙昏渾衣裳外曠絕同
層陰園甘長成時一作三寸如黃金諸侯舊上計厥貢傾千林邦人不足重所迫豪吏侵客居暫
封殖日夜偶瑤琴虛徐五株態側塞煩胸襟焉得一作輟兩一作足杖藜出岷嶽條流數翠
實偃息歸碧潯拂拭烏皮几喜聞樵牧音令兒快搔背脫我頭上簪

雨

峽雲行清曉煙霧相徘徊風吹蒼江樹一作雨灑石壁來淒淒生餘寒殷殷兼出一作雷白
谷變氣候朱炎安在哉高鳥溼不下居人門未開楚宮久已滅幽珮爲誰哀侍臣書王夢賦
有冠古才冥冥翠龍駕多自巫山臺

雨二首

青山澹無姿白露誰能數片片水上雲蕭蕭沙中雨殊俗狀巢居曾臺俯風渚佳客適萬里

沈思情延佇掛帆遠色外驚浪滿吳楚久陰蛟螭出寇盜

冠一作巖復幾許

空山中宵陰微冷先枕席迴風起清曙

一作曉

萬象夔已碧落落出岫雲渾渾倚天石日假何

道行雨含長江白連檣荊州船有士荷矛戟南防草鎮慘露溼赴遠役

強敵水深雲光廓鳴櫓各有適漁艇息

一作息

悠悠夸歌負樵客留滯一老翁書時記朝夕

晚登灑上堂

故躋灑岸高頗免崖石擁開襟野堂豁繫馬林花動雉堞粉如雲山田麥無壠春氣晚更生
江流靜猶湧四序嬰我懷羣盜久相踵黎民困逆節天子渴垂拱所思注東北深峽轉修聳
衰老自成病郎官未爲冗淒其望呂葛不復夢周孔濟世數嚮時斯人各枯冢楚星南天黑
蜀月西霧重安得隨鳥翎迫此懼將恐

又上後園山腳

昔我遊山東憶戲東嶽陽窮秋立日觀矯首望八

北一作云

荒朱崖著毫髮碧海吹衣裳蓐收困

用事元冥蔚強梁遊水自朝宗鎮名各其方平原獨憔悴農力廢耕桑非關

北一作關

風露凋曾

是戍役傷於時國用富足以守邊疆朝廷任猛將遠奪戎馬場到今事反覆故老淚萬行龜

蒙不復見况乃懷舊

一作故

鄉肺萎屬久戰骨出熱中腸憂來杖匣劍更上林北岡瘴毒猿鳥

落峽乾南日黃秋風亦已起江漢始如湯登高欲有往蕩析川無梁哀彼遠征人去家死路

旁不及祖父塋纍纍冢相當

雨

山雨不作泥江雲薄爲霧晴飛半嶺鶴風亂平沙樹明滅洲景微隱見巖姿露拘闕出門遊
曠絕經目趣消中日伏枕臥久塵及屢豈無平肩輿莫辨望鄉路兵戈浩未息虵虺反相顧
悠悠邊月破鬱鬱流年度鍼灸阻朋曹糠粃對童孺一命須屈色新知漸成故窮荒益自卑
飄泊欲誰訴庭羸愁應接俄頃恐違危一作迕浮俗何萬端幽人有獨與一作步龐公竟獨往尙
子終罕遇宿留洞庭秋天寒瀟湘素杖策可入舟送此齒髮暮

甘林

捨舟越西岡入林解我衣青芻適馬性好鳥知人歸晨光映遠岫夕露見日晞遲暮少寢食
清曠喜荆扉經過倦俗態在野無所政一云違試問甘藜藿未肯羨輕肥喧靜不同科出處各
天機勿矜朱門是陋此白屋非明朝步鄰里長老可以依時危賦斂數脫粟爲爾揮相攜行
豈田秋花靄菲菲子實不得喫貨市送王畿盡添軍旅用迫此公家威主人長跪問戎馬何
時稀我衰易悲傷屈指數賊圍勸其死王命慎莫違奮飛

雨

行雲遞崇高飛雨靄而至潺潺石間溜汨汨松上駛亢陽乘秋熱百穀皆一作已棄皇天德
澤降焦卷有生意前雨傷卒暴今雨喜容易不可無雷霆間作鼓增氣佳聲達中宵所望時
一致清霜九月天鬚髮見滯穗郊扉及我私一作我圃日蒼翠恨無抱甕力庶減臨江費若吳

本注
井取
水
喉
內
無

種蒿苳 並序

既雨已秋堂下理小畦隔種一兩席許蒿苴向二旬矣而苴不甲坼伊人一作野竟青
青傷時君子或晚得微祿輻軻不進因作此詩

陰陽一錯

一作也

亂驕蹇不復理枯旱於其中炎方慘如燬植物半蹉跎嘉生將已矣雲雷歛

雲一作色

起雨聲先已

一作以

風散足盡西靡山泉落滄

江霹靂猶在耳終朝紆颯沓信宿罷瀟灑堂下可以畦呼童對經始苴兮蔬之常隨事藝其
子破塊數席閒荷鋤功易止兩旬不甲坼空惜埋泥滓野菟迷汝來宗生實於此此輩豈無
秋亦蒙寒露委翻然出地速滋蔓戶庭毀因知邪干正掩抑至沒齒賢良雖得祿守道不封
已擁塞敗芝蘭衆多盛荆杞中園陷蕭艾老圃永爲恥登於白玉盤藉以如霞綺竟也無所
施胡顏入筐篚

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇

在茅屋及歸

旁舍未曾曠老病忌

一作恐

拘束應接喪精

神江村意自

一作日

放林木心所欣秋耕屬地溼山雨近甚勻冬菁飯之半牛力晚

一作晚

來新

深耕種數畝未甚後四鄰嘉蔬既不一名數頗具陳荆巫非苦寒採擷接青春

以上秋菜之事

綴勤

以下書

飛來兩白鶴暮啄泥中芹雄者左翮垂損傷已露

一作及

筋一步再流血尙經

一作靈

增

繳勤三步六號叫志屈悲哀頻鸞鳳不相待側頸訴高旻杖藜俯沙渚爲汝鼻酸辛

八哀詩

並序

傷時盜賊未息興起王公李公歎舊懷賢終於張相國八公前後存沒遂不詮次焉

贈司空王公思禮

高麗人

司空出東夷童穉刷勁翻追隨燕薊兒穎銳

一作物不隔服事哥舒翰意無氣無

流沙磧未

甚拔行開犬戎大充斥短小精悍姿屹然強寇敵貫穿百萬衆出入由咫尺馬鞍懸將首甲

外控鳴鏑洗劍青海水刻銘天山石九曲非外蕃

錢箋拔石堡城除右金吾衛將軍十二級

之思禮徐官曰新其王轉深壁飛兔不近駕驚鳥資遠擊曉遠兵家流飽聞春秋癖胸襟日

沈靜肅肅晉作自有適潼關初潰散萬乘猶辟易偏裨無所施元帥見手格

錢箋安祿山事

大拔歸仁帥將叩馬請降綠山輸下馬遂以毛繩於馬腹連縛其太子入朔方至尊狩

梁益胡馬纏伊洛中原氣甚逆肅宗登寶位塞望勢敦迫

一作公時徒步至請罪將厚責

可收後効送新承光而禮思禮崇真新書承光並引於諫下貴以不能堅守故從軍令或抄之

山事蹟四六日空宗幸蜀十七日至金城帝是夜王思禮自潼關至始知哥舒翰彼以思

禮謂五在次馬鬼驛之前又際會清河公開道傳玉册天王拜跪畢讚議果冰釋翠華卷飛

雪一云飛熊虎互阡陌屯兵鳳凰山帳殿涇渭關金城賊咽喉

錢箋寶字記景龍四年送金

從公歌野多青青麥及夫哭廟後復領太原役

錢箋從廣平王李光弼鎮河陽以思禮為太

原尹北京留守河東節度使貯軍糧百萬器械精銳尋恐懼祿位高恨望王士寧不得見清

時嗚呼就窀穸永一作繫五湖舟悲甚田橫客千秋汾晉閒事與雲水白昔觀文苑傳豈述

廉藺績一作嗟嗟一作鄧大夫士卒終倒戟

錢箋思禮崇崇嗣代為太原尹北京留守數

景山以文吏見稱至太原憤怒遂殺景山

故司徒李公光弼

廣德二年七月卒

司徒天寶末北收晉陽甲

錢委以河東之亂命郭子儀為朔方節度使光弼與胡廣

四為帥率衆十萬餘攻太原拒守五十餘日伺其怠出擊太原破之

蘇黎首見帝業二宮泣西

騎攻吾城愁寂意不愜人安若泰山薊北斷右脅朔方氣乃

多一作蘇黎首見帝業二宮泣西

郊九廟起頽壓禾散河陽卒

新錢篋思級生擒八千餘人位破洛陽思明率軍赴河陽大破賊衆

元敗之遂按懷州生擒安太清周榮悉北之衆萃於河陽城北思明以河南之衆頓於河陽南

將徐瑛南北夾攻瑛受敵心挫氣索煙火不舉者三日官軍大振大思明僞臣妾復自礪

石來火焚乾坤獵高視笑祿山公又大獻捷

大獻捷異王册崇勳小敵信所怯擁兵鎮河汴

錢瑛資錄光弼之未至河南也田功中入朝後留於府衙臨淮至徐州史朝義退

來瑛資錄光弼之未至河南也田功中入朝後留於府衙臨淮至徐州史朝義退

止田長安功速與河南元損不協還瑛初光弼志願赴國吐蕃其威名及體朝恩之害

不召入神功與同寮宿以宋州之難告祖道外俾先飲以寘之分麾下其將荀媯徐州

因召田神功與同寮宿以宋州之難告祖道外俾先飲以寘之分麾下其將荀媯徐州

久待命於徐州將赴中屬疾擊之賊遂一戰而走使在陝州以公兼東都留守薨於官舍

將吏以爲不孝子矣夫復何言不千里初安帖青蠅紛一作營營風雨秋一葉內省未入

朝死淚終映睫大屋去高棟長城埽遺堞平生白羽扇零落蛟龍匣雅望與英姿惻愴

槐里接也神道碑安志槐里故城即大邱城在興平縣東南十里山徑旁檀山在縣西北四十

光里漢武帝在馮翊衛霍之接近槐里故曰惻愴槐里接三軍晦光彩烈士痛稠疊直筆在

史臣將來洗箱篋吾思哭孤冢南紀阻歸楫扶顛永蕭條未濟失利涉疲茶竟何人灑涕巴東峽

贈左僕射鄭國公嚴公武

永泰元年奉元

鄭公瑚璉器華岳金天晶昔在童子日已聞老成名嶷然大賢後復見秀骨清開口取將相小心事友生閱書百紙一云盡落筆四座驚歷職匪父任嫉邪常力爭漢儀尙整肅胡騎忽

縱橫飛傳自河隴逢人問公卿不知萬乘一作乘出雪涕風悲鳴受詞劍閣道謁帝蕭關城自武

劍閣受玄宗之命賜贈宗於寂寞雲臺仗飄飄沙塞旌江山少使者笳鼓凝皇情壯士血相

視一作見忠臣氣不一作未平密論貞觀體揮發岐陽征感激動四極聯翩收二京西郊牛酒再

一作原廟丹青明匡汲俄寵辱衛霍竟哀榮四登會府地三掌華陽兵京兆空柳色一作市尙

書無履聲羣鳥自朝夕白馬休橫行諸葛蜀人愛文翁儒化成公來雪山重公去雪山輕記

室得何遙韜鈴延子荆四郊失壁壘虛館開逢迎堂上指圖一作畫軍中吹玉笙豈無成都

酒憂國只細傾時觀錦水釣問俗終相并意待犬戎滅人藏紅粟盈以茲報主願庶或一作獲

裨世程炯炯一心在沈沈二豎嬰顏回竟短折賈誼徒忠貞飛旆出江漢孤舟轉荆衡虛無

齊本作虛爲時本作虛馬融笛悵望龍驤空餘老賓客身上愧簪纓

贈太子太師汝陽郡王璉

天寶九年

汝陽讓帝子眉宇真天人虬鬚似太宗色映塞外一作寒春往者開元中主恩視遇頻出入獨

非時禮畢見羣臣愛其謹潔極倍此骨肉親從容聽一作退朝後或在風雪晨忽思格猛獸苑

圍騰清塵羽旗動若一萬馬肅駭號詔王來射雁拜命已挺身箭出飛鞞內上又一人作回翠

麟翻然紫塞翻下拂明月輪胡人雖獲多天笑不為新王每中一物手自與金銀袖中諫獵

書扣馬久上陳竟無銜爨虞聖聰一作矧多仁官免供給費水有在藻鱗匪唯帝老大皆是

王忠勤晚年務置醴門引申白賓道大容無能永懷侍芳茵好學尙貞烈義形必露巾揮翰

綺繡揚篇什若有神川廣不可泝墓久狐兔鄰宛彼漢中郡文雅見天倫何以開一作我悲

泛舟俱遠津温温昔風味少壯已書紳舊遊易磨滅衰謝增一作酸辛

贈祕書監江夏李公邕

長嘯宇宙閒高才日陵一作替古人不可見前輩復誰繼憶昔李公存詞林有根柢聲華當

健筆灑落富清製風流散金石追琢山岳銳情窮造化理學貫天人際以下至深贊其才與

敘其多作碑于謁走其門碑版照四裔各滿深望還森然起凡例蕭蕭白楊路洞徹潤督作寶

珠惠龍宮塔廟湧一作浩劫浮雲一作衛宗儒俎豆事故吏去思計眄睐已皆虛跋涉曾不

泥向來映當時豈獨一作勸後世豐屋珊瑚鉤騏驎織成蜀紫驅隨劍兀義取無虛歲分宅

脫驂閒感激懷未濟衆歸闕給美擺落多藏一作穢獨步四十年風聽九皋唳錢箋唐詩紀

安中死天寶初四十年間可謂獨步矣野餘賦甚稱支宗旨後因上計中使臨過人時

以文章徹天聽故有九皋鳴吸之下至易力何深噴往者武后朝引用多寵嬖否臧太常議

六鳴呼江夏姿竟掩宣尼袂其風骨峻峭勁深搜往者武后朝引用多寵嬖否臧太常議

錢箋太常博士李處直贈面折三張勢宗兄弟有左拾遺御史中丞宋環奏侍臣

易在除下進日學言事關社稷望陛下可其奏則天色稍解始允環所請孔璋書曰往者張

之昌宗兄弟席寵骨權天下日公危冠入奏不願身天后失色倉皇欲起拾遺李朝玉
於日下坐則天下安起則天下危遂俱攝證入奏立切實二聖股栗一氣索不致仰視李朝玉
使職教之衰俗凜生風拂蕩秋旻霽忠貞負冤恨宮闕深旋綴放逐早聯翩以與張東始

之善貶雷州支宗初又貶崖州召還為姚崇所嫉貶活州微為陳州支宗東封回溫於
賜見累獻調賦類自矜街張說甚惡之發陳州驛事抵死孔璋上書請代溫死溫於州果轉
括為洛三州刺史天寶初垂困炎厲日斜鵬鳥入魂斷蒼梧帝榮一作枯走不暇星駕無安

稅幾分漢廷竹夙擁文侯簪終悲洛陽獄及休告調狀速引一及勸下獄吉溫命勸引
御史羅希爽馳往就郡決殺之年七十餘後漢陽謂獄事近小臣傲一作禍階初負謗易

力何深曠以下公自敘獲文於李伊昔臨淄亭酒酣托末契重敍東都別朝陰改軒砌論文
到崔蘇指推作盡流水逝近伏盈川雄楊未甘特進麗字是非張相國說燕公相扼一危脆爭

名古豈然鍵捷英華作歎不閉例一作及吾家詩曠懷掃氛翳慷慨嗣眞作和錢箋杜甫言有
奉使存撫咨嗟玉山桂鍾律儼高懸鯤鯨噴迢遞以下十句坡陀青州血燕沒汶陽瘞哀贈

竟蕭條恩波延揭厲子孫存如綫舊客舟凝滯君臣尚論兵將帥接燕薊朗咏六公篇等五
王洎狄相六公錢箋趙明誠金石錄唐六公詩李邕撰胡履靈書余初讀八哀詩恨不書見其
云李北海六公咏今泰和集中豈有詩而無其姓名又其說一章不盡或遺余荆州六公詩尤

石刻文既不到故得盡存可以時於此五王皆公所遺故也章不盡或遺余荆州六公詩尤
奇偉豪氣激發如見憤懣而作故氣激於內橫於外者也序音老杜有云荆余見他文亦不
若壯氣激發如見憤懣而作故氣激於內橫於外者也序音老杜有云荆余見他文亦不

憂來豁蒙蔽此兩文以下途李李為公評論諸家之論機是相國機李於捷一之發不
山及桂也鍾律四句贊李論文法律之細觀其贊李之才力比之大玉錄警捷一之發不

故祕書少監武功蘇公源明

故祕書少監武功蘇公源明

故祕書少監武功蘇公源明

故祕書少監武功蘇公源明

武功少也孤徒步客一作寓徐充讀書東岳中十載考墳典時下萊蕪郭忍飢浮雲爨負米晚

為身每食臉必泣夜字照燕薪垢衣生一作帶碧蘚庶以勤苦志報茲劬勞顯一作顯學蔚醅儒

姿文包舊史善灑落一作誤辭幽人歸來潛京輦射君東堂策一作君東堂宗匠集精選制可題

磨出守還黃屋朔風卷不暇陪八駿虜庭悲所遺平生滿樽酒斷此朋知展憂憤病二秋有

恨石一作不可轉肅宗復社稷得無逆順辨范曄願其兒李斯憶黃犬祕書茂松意文苑英華

削反為後輩褻予實苦懷緬煌煌齋房芝事絕萬手拳垂之俟來者正始徵勸勉不要一作惡

懸黃金胡為投乳一作乳贊結交三十載吾與誰遊衍滎陽復冥冥罪罟已橫冒一作法嗚呼子逝

日始泰則一作即終蹇長安米萬錢凋喪盡餘喘戰伐何當解歸帆阻清河尙纏漳水疾永負

蒿里錢一作以蔡夢弼以繼其宗得兩京辨別逆順諸署為官者皆伏誅故有范曄李斯之句獨深明

以六等定罪殊不類范進李斯之事不知公詩竟何指也又據權奸之怒摧折以死者其命

皆不可考詩一作明故著作郎貶台州司戶滎陽鄭公虔

鷄鷩至魯門不識鐘鼓饗孔翠望赤霄愁思一作入雕籠養滎陽冠衆儒早聞名公賞地崇士

大夫况乃氣精爽往者公在疾蘇許公頌位尊望重素未相識早天然生知姿學立游夏上

神農極闕漏黃石愧師長藥纂西極一作城名兵流指諸掌外又撰胡本草七卷貫穿無遺恨

蒼藂何技癢圭臬星經與蟲篆丹青廣子雲窺未徧方朔諧太枉神翰顧不一體變鍾兼兩
文傳天下口大字猶在榜昔獻書畫圖新詩亦俱往滄洲動玉陛宣一作鶴誤一響三絕自

御題四方尤所仰嗜酒益疏放彈琴視天壤形骸實土木親近唯几杖未曾寄一作官曹突

兀倚書幌晚就芸香閣胡塵昏垓莽反覆歸聖朝點染無滌盪老蒙台州掾泛泛英華作潮

江槩履穿四明雪飢拾楸溪橡空聞紫芝歌不見杏壇丈天長眺東南秋色餘翹翹別離慘

至今斑白徒懷曩春深秦一作山秀葉墜清渭朗劇談王侯門野稅林下鞅操紙終夕酣時

物集遐想春深六句追憶昔在長安與詞場竟疏闊平昔濫吹一作獎百年見存沒牢落吾

安放一作蕭條阮咸在出處同世網他日訪江樓含悽述飄蕩原注著與秘書監鄭君壽

之江樓

故右僕射相國英華有曲張公九齡開元二十八年七月卒

相國生南紀金璞無留礦仙鶴下人閒獨立霜毛整矯然江海一作思復與雲路永寂寞想

上一作階未遑等箕穎上君白玉堂倚君金華省碣石一作歲擘嶸天地一作日蛙黽退食

吟大庭何心記一作榛梗骨驚畏曩哲鬢一作變負人境雖蒙換蟬冠右地惡多幸敢忘一作

志二疏歸痛迫蘇耽井紫綬一作映暮年荊州謝所領庾公興不淺黃霸鎮每靜賓客引調

同諷詠在務屏詩罷地有餘一作篇終語清省一陽發陰管淑氣含公鼎乃知君子心

用才文章境散帙起翠螭倚薄巫廬竝綺麗元暉擁牋詠任昉騁自我一作一家則一作未

缺隻字警千秋滄海南名繫朱鳥影歸老守故林戀闕情一作延頸波濤良史筆蕪絕大庾

嶺向時禮數隔制作難上請再讀徐孺碑猶思理煙艇

自寂寓五國詠句敘張公仕宦出處
等一生翹翹雲路而不忘江海之思

也陽石句指嶺山天池句指字林甫二人者乃張公之
襟懷也白詩置地有餘五未缺句敘張公詩文之美

寫懷二首

勞生共乾坤何處異風俗冉冉自趨競行行見羈束無貴賤不悲無富貧亦足萬古一骸骨
鄰家遞歌哭鄙夫到巫峽三歲如轉燭全命甘留滯忘情任榮辱朝班及暮齒日給還脫粟
編蓬石城東採藥山北一作林谷用心霜雪閒不必條蔓緣非關故安排曾是順幽獨達士如
弦直小人似鈎曲曲直我不知負暄候樵牧

夜深坐南軒明月照我鄒驚風翻河漢梁棟已出日一作日出

羣生各一宿飛動自儔匹吾亦

驅其兒營營爲私實

室一作室

天寒行旅稀歲暮日月疾榮名忽一作感

中人世亂如蟻蝨古者三

皇前滿腹志願畢胡爲有結繩陷此膠與漆禍首燧人氏厲階董狐筆君看燈燭張轉使飛
蛾密放神八極外俯仰俱蕭瑟終契如往還一作契真如終然得匪合仙術一作金仙術

往在

往在西京日

一作時

胡來滿彤

一作丹

宮中宵焚九廟雲漢爲之紅解瓦飛十里總帷紛一作粉曾

空疚心惜木主

一一

灰悲風合昏排鐵騎清旭散錦驂

一作驂

賊臣表逆節一作帥相賀以成功

是時妃嬪戮連爲糞土叢當宁陷玉座白閒剝畫蟲不知二聖處私泣百歲翁車駕旣云還

楹桷欹穹崇故老復涕泗祠堂樹椅桐宏壯不如初已見帝力雄前春禮郊廟祀事親聖躬

微軀忝近臣景從陪羣公登階捧玉冊

一作冕耿

金鐘侍祠惡先露

一作撥

掖垣邈濯龍大

子惟孝孫五雲起九重鏡奩換粉黛翠羽猶蔥朧前者厭羯胡後來遭犬戎俎豆腐一作臚

肉罽罽行角弓安得自西極申命空山東盡驅詣闕下士庶塞關中主將曉逆順元元歸始

終一朝自罪已一云即萬里車書通鋒鏑供鋤犁征戍聽所從冗官各復業土著還力農君

臣節儉足朝野歡呼一作同中興似一作國初繼體如太宗端拱納諫諍和風日沖融赤墀

櫻桃枝隱映銀絲籠千春薦陵寢永永垂無窮京都不再火涇渭開愁容歸號故松柏老去

苦飄蓬自首至私放百歲翁敘述錄山隔京焚毀宗廟之事自車駕既云還至梁颯行角弓

想中興致治之盛而以結二句自抒不得還鄉之悲 幸遇若涼之氣跌宕變幻之節皆歸絕語

昔遊

昔者與高李白適一作登單父臺寒蕪際碣石萬里風雲來桑柘葉如雨飛藿去一作徘徊

清霜大澤凍禽獸有餘哀是時倉廩實洞達寰區一作開猛士思滅胡將帥望三台君王無

所惜駕馭英雄材幽燕盛用武供給亦勞哉吳門轉粟帛泛海陵蓬萊肉食三一作十萬獵

射起黃埃隔河憶長眺青歲已摧頽不及少年日無復故人杯賦詩獨流涕亂世想賢才有

君一作能市駿骨莫恨少龍媒商山議得失蜀主脫嫌疑呂尚封國邑一云傳說已鹽梅景晏

楚山深水鶴去低回龐公任本性攜子臥蒼苔自是時倉庫實至起黃埃指安祿山

山嶺范陽節度使求平章事也隔河云者杜公時遊單父在黃河之南條山嶺也

壯遊

往昔一作十四五出遊一作翰墨場斯文崔魏徒嶽州營心以我似一作班揚七齡思卽

壯開口詠鳳凰九齡書大字有作成一囊性豪業嗜酒嫉惡懷剛腸脫略一作小時輩結交

皆老蒼飲酣視八極俗物都茫茫以上述少年意氣之盛東去姑蘇臺已具浮海航到今有遺恨不得

窮扶桑王謝風流遠闔廬邱墓荒劍池石壁仄長洲荷芰香嵯峨閩門北清廟映迴一作塘

每趨吳太伯撫事淚浪浪枕戈憶句踐渡浙想秦皇蒸魚聞七首除道晒要章越女天下白

鑑湖五月涼剡溪蘓秀異欲罷不能忘歸帆拂天姥中歲貢舊鄉氣凋屈賈壘目一作短曹

劉牆忤下考功第獨辭京尹堂放蕩齊趙閒裘馬頗清狂春歌叢臺上冬獵青邱旁呼鷹早

一作櫪一作櫪林逐獸雲雪岡射飛會縱鞚引一作臂落鵝鴝蘇侯據鞍喜一作忽如攜葛

強以上敘歷遊吳越齊趙快意八九年西歸到咸陽許與必詞伯賞一作遊實賢王曳裾置體地奏賦

入明光天子廢食召羣公會軒裳脫身無所愛一作痛飲信行藏黑貂不一作免敝斑鬢兀

稱觴杜曲晚一作者舊四郊多白楊坐深鄉黨敬日一作覺死生忙朱門任一作傾奪赤族

迭罹殃國馬竭粟豆官雞輪稻梁舉隅見煩費引古惜興亡以上敘五京師變氣漸衰時事漸變河朔風塵起

岷山行幸長兩宮各警蹕萬里遙相望崆峒殺氣黑少海旌旗黃禹功亦命子涿鹿親戎行

翠華擁英一作岳螭虎瞰豺狼爪牙一不中胡兵更陸梁大一作軍載草草凋瘵滿膏肓備

員竊補衮憂憤心飛揚上感九廟焚一作下憫萬民一作瘡斯時伏青蒲廷爭守御牀君辱

敢愛死赫怒幸無傷聖哲體仁恕字縣復小康哭廟灰燼中鼻酸朝未央以上敘諸山亂後

拾遺諫小臣議論絕老病客殊方鬱鬱苦不展羽翮困低昂秋風動哀壑碧蕙損一作微芳

爭獲罪之推避賞從漁父濯滄浪榮華敵勳業歲暮有嚴霜吾觀鴟夷子才格出尋常羣凶逆未定

側行英俊翔

以上述事
年客調

遣懷

昔我遊宋中惟梁孝王都名今陳留亞劇則貝魏俱邑中九萬家高棟照通衢舟車半天下
主客多歡娛白刃讐不義黃金傾有無殺人紅塵裏報答在斯須憶與高李輩白論交入酒
壚兩公壯藻思得我色敷腴氣酣登吹文一作臺懷古視平蕪芒碭雲一去雁鷺空相呼先帝
正好武實海未凋枯猛將收西域長戟破林胡百萬攻一城獻捷不云輸組練棄如泥尺土
負一作百夫拓境功未已元和辭大爐亂離朋友盡合沓歲月徂吾衰將焉託存沒再嗚呼
蕭條益堪愧獨在天一隅云蕭條病益甚愧獨天一隅乘黃已去矣凡馬徒區區不復見顏鮑繫舟臥荆
巫臨殮吐更食常恐違撫孤

同元使君春陵行

並序

覽道州元使君結春陵行兼賊退後示官吏作二首志之曰當天子分憂之地效漢
官齊作良吏之目今盜賊未息知民疾苦得結輩十數公落落然參錯天下爲邦伯
萬物吐晉作氣天下少一作安可得矣一作不意復見比興體制微婉頓挫之詞感

而有詩增諸卷軸簡知我者不必寄元

晉作

遭亂髮盡

遠一作

白轉衰病相嬰

一作

沈綿盜賊際狼狽江漢行歎時藥力薄爲客羸瘵成吾

人詩家秀

一作

博采世上名粲粲元道州前聖畏後生觀乎春陵作歎見俊哲情復覽賊退

篇結也實國植賈誼昔流慟匡衡常引經道州憂

一作

黎庶詞氣浩縱橫兩章對秋月

水一作

一字借

一作

華星致君唐虞際純樸憶

一作

大庭何時降靈書用爾爲丹青獄訟永衰息豈

唯偃甲兵悽惻念誅求薄斂近休明乃知正人意不苟飛長纓涼颺振南岳之子寵若驚色

阻

一作

金印大興含滄浪

一作

清我多長卿病日夕思朝廷肺枯渴太甚漂泊公孫城呼兒

具紙筆隱几臨軒楹作詩呻吟內墨淡字欵傾感彼危苦詞庶幾知者聽

覽柏中允兼子姪數人除官制詞因述父子兄弟四美載歌絲綸

紛然喪亂際見此忠孝門蜀中寇亦甚柏氏功彌存深誠補王室戮力自元昆三止錦江沸

獨清玉壘昏高名入竹帛新渥照乾坤子弟先卒伍芝蘭疊瓊瑤同心注師律灑血在戎軒

絲綸實具載絳冕已殊恩奉公舉骨肉誅叛經寒溫

一作

金甲雪猶凍朱旗塵不翻每聞戰

場說歛激懦氣奔聖主國多盜賢臣官則尊方當節鉞用必絕履診根吾病日迴首雲臺誰

再論作歌挾盛事推轂期孤鶩

聽楊氏歌

佳人絕代歌獨立發皓齒滿堂慘不樂響下清虛裏

一作

浮江城帶數月況乃清夜起老夫

悲暮年壯士淚如水玉杯久寂寞金管迷宮徵勿云聽者疲愚智心盡死古來傑出土

一作

豈待一知己吾聞昔秦青傾側天下耳

奉酬薛十二丈判官見贈

忽忽峽中睡悲風

一作

方一醒西來有好鳥爲我下青冥羽毛淨

一作

白雪慘澹飛雲汀既

蒙主人顧舉翮唳孤亭持以比佳士及此慰揚舲清文動哀玉見道發新硯欲學鷗夷子待

勒燕山銘誰重斷蛇劍

新云劍重

致君君未聽志在麒麟閣無事雲母屏卓氏近新寡豪家

朱門

一作

扁相如才調逸銀漢會雙星客來洗粉黛日暮拾流螢不是無膏火勸郎勤六經

老夫自汲澗野水日冷冷我歎黑頭白君看銀印青臥病識山鬼爲農知地形誰矜坐錦帳

苦厭食魚腥東西兩岸拆

兩拆

橫

一作

水注滄溟碧色忽

一作

惆悵風雷搜百靈空中右

一作白虎赤節引娉婷自云帝里

一作

女驥

一作

雨鳳凰襄王薄行迹莫學冷如丁

一拭淚夢覺有微馨

人生相感動金石兩青熒丈人但安坐休辨滑與涇龍蛇尙格鬪灑血

暗郊垞吾聞聰明主治

一作

國用輕刑銷兵鑄農器今古歲方甯文

盈庭榮華貴少壯豈食楚江萍

別李義

神堯十八子十七王其門道國洎

一作

舒國督

一作

唯親弟昆中外貴賤殊余亦忝諸孫

道王元履高祖第十六子舒王元明第十八子趙云詳味詩意則李義道國之裔孫而公則舒國後裔之外孫也舊注云公公自言杜李同出陶唐氏是何李語祭外祖每文曰紀國則夫人之門而舒國則府君之外父外父者即外王父也

公爲舒國外孫之外孫故云余亦忝諸孫

注未詳

丈人嗣三葉

一作

之子白玉温道國

繼德業請從丈人論丈人領宗卿

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

開元二十五年裴封嗣道王廣德中宗室系表微下不載或謂失之耳

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

詢箋道王元履初封爲嗣道王景雲元年臨淮王

朝納諫諍直氣橫乾坤子建文筆壯河閒經術存爾克富詩禮骨清慮不喧洗然遇知己談

論淮湖奔憶昔初見時小襦

一作

繡芳蓀長成忽會面慰我久疾魂三峽春冬交江山雲霧

昏正宜且聚集恨此當離樽莫怪執杯遲我衰涕唾煩重問子何之西上岷江源願子少干

謁蜀都足戎軒誤失將帥意不如親故恩少年早歸來梅花已飛翻努力慎風水豈惟數盤
殮猛虎臥在岸蛟螭出無痕王子自愛惜老夫困石根生別古所嗟發聲爲爾吞

送高司直尋封蘭州

丹雀銜書來暮樓何鄉樹驛驢事天子辛苦在道路司直非冗官荒山甚無趣借問泛舟人
胡爲入雲霧與子姻婭閒既親亦有故萬里長江邊邂逅一相遇長卿消渴再公幹沈綿屢
清談慰老夫開卷得佳句時見文章士欣然淡一作情素伏枕聞別離疇能忍漂寓良會苦
短促溪行水奔注熊羆咆空林游子慎馳騫西謁巴中侯艱險如跬步主人不世才先帝常
特顧拔爲天軍佐崇大王法度淮海生清風南翁尙思慕公宮造廣廈木石乃無數初聞伐
松柏猶臥天一柱我瘦一作病書不成成字讀一作字亦誤爲我問故人勞心練征戍

贈蘇四侯

異縣昔同遊各云厭轉蓬別離已五年尙在行李中戎馬日衰息乘輿安九重有才何棲棲
將老委所窮爲郎未爲賤其奈疾病攻子何面黧黑不得豁心胸巴蜀倦剽掠一作劫下愚成
土風幽薊已削平荒徼尙彎弓斯人脫身來豈非吾道東乾坤雖寬大所適裝囊空肉食晒
菜色少壯欺老翁況乃主客閒古來偪側同君今下荆揚獨帆如飛鴻二州豪俠場人馬皆
自雄一請甘飢寒再請甘養蒙

寄薛三郎中

人生無賢愚飄飄若埃塵自非得神仙誰免危其身與子俱白頭役役常苦辛雖爲尙書郎

不及村野人憶昔村野人其樂難具陳藹藹桑麻交公侯爲等倫天未厭戎馬我輩本常貧
子尙客荊州我亦滯江濱峽中一臥病癘癘終冬春春復加肺氣此病蓋有因早歲與蘇鄭
痛飲情相親二公化爲土嗜酒不失真余今委修短豈得恨命屯聞子心甚壯所過信席珍
上馬不用扶每一作忽扶必怒曠賦詩賓客閒揮灑動八垠乃知蓋代手才力老益神青草洞
庭湖東浮滄海滌君山可避暑況足采白蘋子豈無扁舟往復江漢津我未下瞿塘空念禹
功勤聽說松門峽吐藥攬衣巾高秋卻束帶鼓柁視青旻鳳池日澄碧濟濟多士新余病不
能起健者勿逡巡上有明哲君下有行化臣

宿青溪驛奉懷張員外十五兄之緒

自此以下自蜀入楚居松
陵公安及至湖南之詩

漾舟千山內日入泊枉渚我生本飄飄今復在何許石根青楓林猿鳥聚儔侶月明游子靜
畏虎不得語中夜懷友朋乾坤此深阻浩蕩前後閒佳期付荆楚

敬寄族弟唐十八使君

唐十八流配施州在夷陵舍舟登
陸時有書與公公寄此詩酬之

與君陶唐後盛族多其人聖賢冠史籍枝派羅源津在今氣磊落巧僞莫敢親介立實吾弟
濟時肯殺身物白諱受玷行高無污真得罪永泰未放之五溪濱鸞鳳有餘翻先儒曾抱麟
雷霆劈長松骨大卻生筋一失不足傷念子孰自珍泊舟楚宮岸戀闕浩酸辛除名配清江
厥土巫峽鄰登陸將首途筆札枉所申歸朝踟病肺敝舊思重陳春風洪濤壯谷轉頗彌旬
我能泛中流塘突鼉獺曠長年已省柁慰此貞良臣

北風

北風破南極朱鳳日威一作垂洞庭秋欲雪鴻雁將安歸十年殺氣盛六合人煙稀吾慕漢初老時清猶茹芝

客從

客從南溟來遺我泉客珠珠中有隱字欲辨不成書緘之篋笥久以俟公家須開視化爲血哀今微斂無

白馬

白馬東北來空鞍貫雙箭可憐馬上郎意氣今誰見近時主將戮中夜商一作於戰喪亂死多門嗚呼淚如霰

別董穎

窮冬急風水逆浪開帆難士子甘旨闕不知道里寒有求彼樂土南適小長安到一作我舟楫去覺君衣裳單素聞趙公節兼盡賓主歡已結門廬一作望無令霜雪殘老夫纜亦解脫粟朝未餐飄蕩兵甲際幾時懷抱寬漢陽頗甯靜峴首試考槃當念著白帽一作采薇青雲端錢箋端曰詩云急風逆浪蓋董自岳陽派澗水而之鄧也又云老夫既亦解公是時亦有適深之期矣

送重表姪王畧評事使南海

引詩深則說文

我之曾祖吳作姑爾之高祖母爾祖未顯時歸爲尙書婦土理隋朝大業末房杜俱交友長

者來在門荒年自餬口家貧無供給客位但箕帚俄頃羞頗珍一作寂寥人散後入怪鬢髮空吁嗟爲之久自陳翦鬢鬢鬪市无杯一作酒上云天下亂宜與英俊厚向竊窺數公經

綸亦俱有次問最少年虬髯十八九子等成大名皆因此人手云風雲合龍虎一吟吼願
展丈夫雄得辭兒女醜秦王時在坐真氣驚戶牖及乎貞觀初尚書踐台斗夫人常肩輿上
殿稱萬壽六宮師柔順法則化妃后至尊均嫂叔盛事垂不朽以上述祖姑國初談英雄事
以下敘殊昔日避風之情今

茲送別之感

鳳雛無凡毛五色非爾曹往者胡作逆乾坤沸噉噉吾客左馮翊爾家同遁逃爭奪

至徒步塊獨委蓬蒿逗留熱爾腸十里卻呼號自下所騎馬右持腰閒刀左牽紫遊韁飛走
使我高苟活到今日寸心銘佩牢亂離又聚散宿昔恨滔滔水花笑白首春草隨青袍廷評

近要津節制收英髦北驅漢陽傳南泛上瀧初家聲肯墜地利器當秋毫番禺親賢領籌運

神功操大夫出盧宋

道桂州歷四年李勉除廣州刺史兼嶺南節度觀察使番禺帥馮崇
道桂州歷四年李勉除廣州刺史兼嶺南節度觀察使番禺帥馮崇

汎海至者歲幾四五勉性廉潔船來都下檢閱故宋年者四十餘代舖至石門停舟悉搜
家人所貯南貨厚象諸物投之江中者老以爲可繼前宋理盡矣字朝聽之徒人吏詣闕
請立碑代宗許之詩所謂觀賢大夫者謂寶貝休脂膏洞主降接武海胡舶千艘我欲就丹
砂跋涉覺身勞安能陷冀土有志乘鯨鼉或驂鸞騰天聊不作鶴鳴皋

詠懷二首

人生貴是男丈夫重天機未達善一身得志行所爲嗟余竟轉軻將老逢艱危胡雛逼神器

逆節同所歸河雒化爲血公侯

一作草間啼西京復陷沒翠蓋蒙塵飛萬姓悲赤子兩宮棄

紫微倏忽向二紀奸雄多是非本朝再樹立宋及貞觀時日給在軍儲上官督有司高賢迫

形勢豈暇相扶持疲荼苟懷策樓層無所施先王實罪己愁痛正爲茲歲月不我與蹉跎病

於斯夜看鄴城氣回首蛟龍池齒髮已自料意深陳苦詞

督有司以供軍儲取民之財多有不堪問者高賢二句如今日黃金

周之類是賢者亦知其病長而不能過去
疾茶二句杜公自歎有策而不得施也

邦危壞法則聖遠益愁慕飄飄桂水遊悵望蒼梧暮潛魚不銜鉤走鹿無反顧噉幽曠心

拳拳異平素衣食相拘闔朋知限流寓風濤上春沙千一作里侵一作江樹逆行少一作吉

日時節空復度井竈任塵埃舟航煩數具牽纏加老病瑣細隘俗務萬古一死生胡爲足名

數多憂汚桃源拙計泥銅柱未辭炎瘴毒擺落跋涉懼虎狼窺中原焉得所歷住葛洪及許

靖避世常此路賢愚誠等差自愛各馳驚羸瘠且如何魄奪針灸屢擁滯僮僕慵稽留篙師

怒終當挂帆席天意難告訴南爲祝融客勉強親杖屨結託老人星羅浮展衰步公蓋有意
爲繳喪文

廣之遊既
而不果

送顧八分文學適洪吉州

中郎石經後八分蓋憔悴顧侯連鑪筆力破餘地昔在開元中韓一作蔡一作同最厲元宗妙

其書是以數子至御札早流傳掄揚非造次三人竝入直恩澤各不二顧於韓蔡內辨眼工

小字分日示一作諸王鉤深法更祕文學與我遊蕭疏外聲利追隨二十載浩蕩長安醉高

歌卿相宅文翰飛省寺視我揚馬閒白首不相棄驂騑入窮巷必脫黃金轡一論朋友難遲

暮敢失墜古來事反覆相見橫涕泗嚮者玉珂人誰是青雲器才盡傷形體一作病渴汚官

位故舊獨依然時危話顛躓我甘多病老子負憂世志胡爲困衣食顏色少稱遂遠作辛苦

行順從衆多意舟楫無根蒂蛟鼉好爲崇況兼水賊繁特戒風颺駛崩騰戎馬際一作往往

殺長吏子于東諸侯勸一作勉防縱恣邦以民爲本魚飢費香餌請哀瘡痍深告訴皇華使

使臣精所擇進德知歷試惻隱誅求情固應賢愚異列一作士惡苟得俊傑思自致贈子猛

虎行出郊載酸鼻

自首至胸深法更秘句贊其八分之工自文學與我遊至時危話顧眼句敘前後交誼之厚我甘多病老至末送別也

上水遣懷

我衰太平時身病戎馬後踳躓多拙爲安得不皓首驅馳四海內童穉日餬口但遇新少年少逢舊親友低顏下色地故人知善誘後生血氣豪舉動見老醜窮迫挫曩懷常如中風走

一紀出西蜀於今向南斗孤舟亂春華

一作草

暮齒依蒲柳冥冥九疑葬聖者骨亦一作已朽蹉

跎陶唐人鞭撻日月久中間屈買輩讒毀竟自取鬱沒

一作絕

二悲魂蕭條猶在否齒峯清湘

石逆行雜林藪篙工密逞巧氣若酣杯酒歌謳互激遠

一作絕

回斡明授受善一作益知應觸類

各藉穎脫手古來經濟才何事獨三有蒼蒼衆色晚熊挂元虵吼黃鸞在樹顛正爲羣虎守

羸以將何適履險顏益厚庶與達者論吞啐混瑕垢

遣遇

磬折辭主人開帆駕洪濤春水滿南國朱崖雲日高舟子廢寢食飄風爭所操我行匪利涉

謝爾從者勞石閒采蕨女鸞菜

一作市

輸官曹丈夫死百役暮返空村號聞見事略同刻剝及

錐刀貴人豈不仁視汝如莠蒿索錢多門戶喪亂紛嗷嗷奈何黠吏徒漁奪成逋逃自喜遂

生理花時甘

實刊

仲縑袍

解憂

減米散同舟路難思共濟向來雲濤盤衆力亦不細呀坑一作坑瞥眼過飛櫓本無蕃得失

瞬息閒致遠宜恐泥百慮視安危分明曩賢計茲理庶可廣拳拳期勿替

宿鑿石浦

早宿賓從勞仲春江山麗飄風過無時舟楫敢不一作不敢繫回塘澹暮色日沒衆星曙缺月殊未生青燈死分翳窮途多俊異亂世少恩惠鄙夫亦放蕩草草頻卒一作頻歲斯文憂患餘聖

哲垂彖繫

早行

歌哭俱在曉行邁有期程孤舟似昨日聞見同一聲飛鳥數一作數求食潛魚亦一作亦獨驚前王作網罟設法害生成碧藻非不茂高帆終日征干戈未一作未揖讓崩迫開一作開其情

過津口

南岳自茲近湘流東逝深和風引桂楫春日漲雲岑回首過津口而多楓樹林白魚困密網黃鳥喧嘉音物微限通塞惻隱仁者心瓮餘不盡酒膝有無聲琴聖賢兩寂寞眇眇獨開襟

次空靈岸

法法逆素浪落落展清眺幸有舟楫遲得盡所歷妙空靈霞石峻楓栝一作栝隱奔峭青春猶無一作有私白日亦一作已偏照可使營吾居一作居終焉託長嘯毒瘴未足憂兵戈滿邊徼嚮者留遺恨恥爲達人誚迴帆覲賞延佳處領其要

宿花石戍

午辭空靈岑夕得花石戍岸疏開關水一作水木雜今古樹地蒸南風盛春熱西日暮四序本

平分氣候何迴互茫茫天造開理亂豈恆數繫舟盤藤輪策杖古樵路罷人不在村野圃泉
自注柴扉雖蕪沒農器尙牢固山東殘逆氣吳楚守王度誰能扣君門下今減征賦

罷人部
賦民也

罷與被同
民字
四征賦
收數民於四夏文選亦因避諱作被

早發

有求常百慮斯文亦吾病以茲朋故多窮老驅馳併早行篙師怠席挂風不正昔人戒垂堂
今則奚奔命濤翻黑蛟躍日出黃霧映煩促瘴豈侵頽倚睡未一作醒僕夫問盥櫛暮顏一作
未
覩青鏡隨意簪葛巾仰慚林花盛側聞夜來寇幸喜囊中淨艱危作遠客干請傷直性薇
蕨餓首陽粟馬資歷聘賤子欲適從疑悞此二柄

次晚洲

參錯雲石稠坡陀風濤壯晚洲適知名秀色固異狀棹經垂猿把身在度鳥上擺浪散帙妨
危沙折花當羈離暫愉悅羸老反惆悵中原未解兵吾得終疏放

望嶽

南嶽配朱鳥秩禮自百王歛吸領地靈鴻一作洞半炎方邦家用祀典在德非馨香巡守何

寂寥有虞今則亡泊一作吾隘世網行邁越瀟湘渴日絕壁出漾舟清光旁祝融五一作峯

尊峯峯次低昂紫蓋獨不朝爭長峯相望恭聞魏夫人羣仙夾翱翔有時五峯氣散風如飛

霜牽迫限一作修途未暇杖崇岡歸來覲命駕沐浴休玉堂三歎問府主曷以贊我皇牲璧

忍一作衰俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅秩初筵鄙人奉末眷佩服自早年義均骨肉地
懷抱罄所宣盛名富事業無取愧高賢不以喪亂嬰保愛金石堅計拙百寮下氣蘇君子前
會合苦不久哀樂本相纏交遊颯向盡宿昔浩茫然促觴激百慮揮抑淚潺湲熱雲集曠黑
一作初 缺月未生天白團爲我破華燭蟠長煙鴉一作鴉 催明星解袂從此旋上請滅
集黑 兵甲下請安井田永念病渴老附書遠山巔

奉送魏六丈佑少府之交廣

豪賢贊經綸功成空名垂子孫不振耀一云子孫 歷代皆有之鄭公四葉孫長大常苦飢衆

中見毛骨猶是麒麟兒磊落貞觀事致君樸直詞家聲蓋六合行色何其微遇我蒼梧陰一作

忽驚會面稀議論有餘地公侯來未遲虛思黃金貴一作 自笑青雲期長卿久病渴武帝一作

元同時季子黑貂敝得無妻嫂欺尙爲諸侯客獨屈州縣卑南游炎海甸浩蕩從此辭窮途

仗神道世亂輕土宜解帆歲云暮可與春風歸出入朱門家華屋刻蛟螭玉食亞王者樂張

游子悲侍婢豔傾城綃綺輕一作 霧霏掌中琥珀鐘行酒雙逶迤新歡繼明燭梁棟星辰飛

兩情願盼合珠碧贈於斯上貴見肝膽下貴不相一作 疑心事披寫閒氣酣達一作 所爲錯

揮鐵如意莫避珊瑚枝始兼一作 逸邁興終慎賓主儀戎馬闔天宇嗚呼生別離

別張十三建封

嘗讀唐實錄國家草昧初劉裴建首義龍見尙躊躕秦王撥亂姿一劍總兵符汾晉爲豐沛

暴隋竟滌除宗臣則廟食後祀何疏燕彭城英雄種宜膺將相圖爾惟外曾孫憫儻汗血駒
眼中萬少年用意盡崎嶇相逢長沙亭乍問緒業餘乃吾故人子

少發安陸山反令將

李庭偉率香兵脅下城邑於軍鄉聚兵殺之太守韓擇木方遣使獎童卯聯居諸揮手灑

衰淚仰看八尺軀內外名家流風神蕩江湖范雲堪晚

結一作友嵇紹自不孤擇材征南幕湖

一作落回鯨魚載感賈生慟復聞樂毅書主憂急盜賊師老荒京都舊邱豈稅駕大廡傾宜

扶君臣各有分管葛本時須雖當霰雪嚴未覺枯柏枯高義在雲臺嘶鳴望天衢羽人掃碧
海功業竟何如

奉贈李八丈判官

題

我丈時英特宗枝神堯後珊瑚市則無噤驥人得有早年見標格秀氣衝星斗事業富清機
官曹正獨守頃來樹嘉政皆已傳衆口艱難體貴安冗長吾敢取區區猶歷試炯炯更持久
討論實解頤操割紛應手篋書積諷諫宮闕限奔走入幕未展材

一作秉鈞孰爲偶所親問

淹泊泛愛惜衰朽

此句言李待己之厚以垂白亂辭

一作南翁委身希北叟真成窮轍鮒或似

喪家狗秋枯洞庭石風颯長沙柳高興激荆衡知音爲迴首

蘇大侍御訪江浦賦八韻紀異

並序

蘇大侍御渙靜者也旅於江側凡

一作是不交州府之客人事都絕久矣肩輿江浦

忽訪老夫舟楫而已茶酒內余請誦近詩肯吟數首才力素壯詞句動人接對明日

憶其湧思雷出書篋几杖之外殷殷留金石聲賦八韻紀異亦見老夫傾倒於蘇至

龐公不浪出蘇氏今有之再聞誦新作突過黃初詩乾坤幾一作反覆揚馬宜同時今晨清

鏡中勝食齋房之余髮喜卻變白間生一作黑絲昨永一作夜舟火滅一作湘娥簾外悲百靈

未敢永一作散風破一作寒江運錢箋南部新書蘇漢本不平者善放白琴巴中號為琴瑟

史佐謂南郡人謂漢詩長於賦得陳拾遺一舒吳政甲余觀其韻氣頗如此國可見其胸

廣帥李公唐人謂漢詩長於賦得陳拾遺一舒吳政甲余觀其韻氣頗如此國可見其胸

中矣子美遊汝相遇美其能詩又以觀公比之此過情之譽也慎與南交郡王伊誠神道

碑大歷中撤南齊將舒吳作亂吳謀主華漢屯據要害詔公討之明年十月斬王伊誠神道

以獨其首

旄頭警紫微無復俎豆事金甲相排蕩青衿一憔悴嗚呼已十年儒服弊於地征夫不遑息

學者淪素志我行洞庭野歛得文翁肆佚侑子行若風舞雩至周室宜中興孔門未應棄

是以資雅才渙然立新意衡山雖小邑首唱恢大義因見縣尹心根源舊宮闕講堂非曩構

大屋加塗墜下可容百人牆隅亦深邃何必三千徒始歷戎馬氣林木在庭戶密幹疊蒼翠

有井朱夏時輓轡凍階屝耳聞讀書聲殺伐災髣髴故國延歸望衰顏減愁思南紀改陳作

波瀾西河共風味采詩倦跋涉載筆尙可記一云常高歌激宇宙凡百慎失墜收陳作

入衡州錢箋大歷五年二月潭州刺史崔瑄為其吳馬使賊所殺

兵革自久遠興衰看帝王漢儀甚照耀胡馬何猖狂老將一失律清邊生戰場君臣忍瑕垢

河岳空金湯重鎮如割據輕權絕紀綱軍州體不一寬猛性所將嗟彼苦節士錢箋瑄以清士

漢運潭州刺史政在節制守禮法將吏自經時類久不奉法多不便之大歷五年四月會
月給編諸兵馬使賊於與判官達奚觀忿爭觀曰今幸無事於日有事何逃風色而去是夜
瓏過過走逢於兵至遂遇害素於圓黎方寡妻從爲郡兀者安堵牆凋傲惜邦本哀矜存

事常旌麾非其任府庫實過防恕刊作已獨在此多憂增內傷偏裨限酒肉卒伍單衣裳元

惡迷是似聚謀一作洩康莊竟流帳下血大降湖南殃烈火發中夜高煙焦上蒼至今分粟

帛殺氣吹元湘福善理顛倒明徵天莽茫銷魂避飛鏑累足穿豺狼隱忍枳棘刺遷延胝胝

瘡遠歸兒侍側猶乳女在旁久客幸脫免暮年慚激昂蕭條向水陸汨沒隨魚商報主身已

老入朝病見妨悠悠委薄俗鬱鬱迴剛腸參錯走洲渚春容轉林篁片帆左郴岸通郭前衡

陽華表雲鳥埤名園花草香旗亭壯邑屋烽檣蟠城隍中有古刺史盛才冠巖廊扶顛待柱

石獨坐飛風霜昨者閒瓊樹高談隨羽觴無論再繾綣已是安蒼黃劇孟七國畏馬卿四賦

良門闌蘇生在蘇生侍勇銳白起強問罪富形勢澧州刺史楊子琳道州刺史龔凱歌懸否

臧氛埃期必掃蚊蚋焉能當橘一作井舊地宅仙山引舟航此行厭暑雨厥土聞清涼諸舅

剖符近開緘書札光錢鑾魯嘗曰井在郴州諸舅謂崔偉前有頻繁命屢及磊落字百行

江總外家養謝安乘輿長下流匪珠玉擇木羞鸞鳳我師嵇叔夜世賢張子房柴荆寄樂土

鵬路觀翱翔首十二句言唐自安史之亂紀綱一失兵燹遂多自嗟彼苦節士至明微天莽

自銷魂遊錄茫旬敘潭州刺史崔瓏清謹守法將吏多不便之兵馬使賊於與判官達奚觀忿爭觀曰今幸無事於日有事何逃風色而去是夜

舟中苦熱遣懷奉呈楊中丞通簡臺省諸公

媿爲湖外客看此戎馬亂中夜混黎毗脫身亦奔竄遇賊於之平生方寸心反掌一作帳下

難嗚呼殺賢良不叱白刃散吾非丈夫特沒齒埋冰炭恥以風病辭胡然泊湘岸入舟雖苦
熱垢膩可漑灌痛彼道邊人形骸改昏旦中丞連帥職封內權得按身當問罪先縣實諸侯
半士卒既輯睦啟行促精悍似聞上游兵稍逼長沙館鄰好彼克修天機自明斷南圖卷雲
水北拱戴霄漢美名光史臣長策何壯觀驅馳數公子咸願同伐叛聲節哀有餘夫何激衰
懦偏裨表三上鹵莽同一貫始謀誰其間迴首增憤惋錢箋思
英又子琳起兵討肝杜福漸各授官以和解之及子琳攻許公討所謂備齊表三上鹵莽同朝
以為峻州圖練使及賊於殺崔瑗子琳聲言同罪取許而還公討所謂備齊表三上鹵莽同朝
一貫始謀誰其間迴首增憤惋者合前接三叛言之也始謀蓋道論鴻漸伯宗英李公端
玉故曰迴首增憤惋唐羅鎮有事俱用偏裨上表假衆論以脅制朝廷也
夢獨曰謂李勉也按是時勉在廣州方招討
番禺賊帥澳桂州無將未聞起兵討賊珍也
守職甚昭煥變通迫脅地謀畫焉得算王室不
肯徵凶徒略無憚此流須卒斬神器資強幹扣寂豁煩襟皇天照嗟歎

聶耒陽以僕阻水書致酒肉療飢荒江詩得代懷興盡本韻至縣呈聶令陸路去方田

驛四十里舟行一日時屬江漲泊於方田

耒陽馳尺素見訪荒江眇義士烈女家風流吾賢紹昨見狄相孫許公人倫表前期刊作翰

林後屈迹縣邑小知我礙湍濤半旬獲浩漾送玉需以沼切上麾下殺元戎指賊於殺湖邊

有飛旌孤舟增鬱鬱僻路殊悄悄側驚猿狻捷仰羨鶴鶴矯禮過宰肥羊愁當置清醪人非

西嶮蜀興在北坑趙方行柳岸靜未話長沙擾崔師乞已至澧卒用矜少問罪消息真開顏

憩亭沼聞崔侍御誤乞師於洪府師已至袁州北

單位	特藏組 CG
來源	張我車遺贈
登記	97. 10. 30

(B)
831
4083
1922
v.4
2895395